

75781/3116.2 (7)

CHINESE - JAPANESE LIBRARY  
HARVARD - YENCHING INSTITUTE  
AT HARVARD UNIVERSITY  
JAN 20 1940

7



十一卷

頌集

十二卷賦集箴集銘集

韻集贊集跋集

國朝館課經世宏辭續編



皇明館課經世宏猷續集卷之十一

太原 王錫爵

元駁書館續藏印

秣陵 焦竑 弱侯父 叅訂

邑子 陸登之 瀛孺父 纂輯

繡谷 周曰校 應賢父 督刊

頌集

平江漢頌 有序

景瀛宋 瀛文憲公

天命

皇上為億兆生民主。旌麾所向。悉臣悉庭。初以一旅之師。興濠

泗間。遂撫淮南。平江東。攻浙東西。下之。版圖所入。方數千里。定

都江左。發政施仁。戴白之叟。垂髻之童。涵泳至化。皞皞熙熙。于

時。陳友諒據有江漢之地。僭居大號。賊殺其主。飭修蒙衝。唐驅

王待制 華川公

骨力短 舉氣象

雄杰如 太阿出

不敵逼 視當為

皇明館課經世宏猷續集卷之十一 頁頁



一代名

此篇叙  
事當與  
太史公  
叙項羽  
鉅鹿之  
戰並觀

皇赫斯怒乃召群臣于庭而告之曰陳虜不道敢屢予侮昔者  
蕩搖我邊方侵軼我姑孰伺偵我金陵賴爾一二臣鄰之力攻  
而敗之于亦親覆其穴巢中宵竄走假息武昌子不忍追殲異  
其悔禍以自逭于天刑癸卯之夏乃復圍我豫章凶德無厭自  
取殄滅此天亡之時天之明威予不敢不順唯爾熊羆之臣不  
二心之士尚弼予以成厥功群臣曰都於是右丞臣達參知政  
事臣遇春帳前親兵指揮使臣國勝同知樞密院事臣永忠臣  
通海備厥戎器簡厥師徒以俟七月癸酉上躬擐甲胄馮轟龍  
江帥樓船數百蔽江而上陳虜大驚警解圍而逃丁亥與我師遇  
鄱陽湖之康郎山戊子上分舟師為十二屯命達遇春永忠突  
入虜陣呼聲動天地矢鋒雨集砲聲雷鎗波濤起立飛火照耀

雄渾英  
傑讀之  
凜有  
生氣

如戊子  
者如上  
分舟師  
為十二  
屯之戰  
也

描寫  
凱旋  
氣象

百里之內水色盡赤焚溺死者一萬流屍如蟻已丑焚偽平  
章舟刈戮餘二千辛卯復酣戰虜將張定邊素號梟猛上親禦  
之將士皆死戰歷一二時遇春等左右夾擊殺士卒無筭張中  
矢百餘而退潛保鞋山不敢吐氣我師亦據湖口扼彼喉襟列  
柵南北江岬置大筏中流水陸嚴戒以候其發八月虜食盡遣  
舟五百艘掠糧都昌又為我大將所獲壬戌虜計窮冒死突出  
將上趨九江上命諸將一時俱合大戰如戊子自辰達酉督戰  
益急友諒中飛矢斃于舟中癸亥降其眾五萬上命釋之不戮  
一人凱歌而旋舳艫相銜旌旗飛翻不疾不徐委蛇而來萬姓  
歡迎俯伏道左山川草木皆有喜色告廟飲至行賞論功賜遇  
春田若干永忠田若干其餘將士賚金繒有差臣稽在昔曹操  
治水軍八十萬來攻孫權而周瑜黃蓋敗之于赤壁苻堅發長



引吳晉以形今事最確而神光古色燁燁動人

彙括前序儼以四言獨鑄奇語卓絕無偶

安城卒六十餘萬騎二十七萬以侵晉而謝玄謝石敗之于淝水然赤壁不過一焚而走淝水亦不過軍亂而奔初未嘗大戰也史臣且書之以為千古美談矧今湖口之捷血戰累日天地為之晦冥日月為之無光山河為之震盪其神功駿烈炳耀鏗鏘與天無極較之二國未足多讓而歌詠不作非闕典歟臣謹備著其事撰頌一篇以流鴻績於無窮以俟太史氏之採錄云

其詞曰

天眷有德實為哲皇肆其神略以靖寇攘義旌東指罔敢弗恭風烈虎嘯雲游龍驤長淮既歸江左攸屬浙之東西樹侯置牧乃建國家以奠南服以懷中原以控西蜀蠢爾小醜敢讐大邦集其兇頑鋒蝟斧塘輕涉我疆以跳以踉亦既剪刈僵骸覆江海齊六軍直傾其穴釋而勿誅俾自懲刷闔胡不然復豕而噬

雄猛溢毫端

丰骨稜稜句調磊

翹其蟲臂當吾車轍皇明震怒歷告在廷是決不悛命將往征爾選舟師爾整甲兵漕爾糗糧各罄爾誠搖光在中夷則之月馮牙江濱皇秉巨鉞以誓以戒以速其發紀律精明颶火奮激旗旄揚揚解艘將將不戈洗洗鎧胄明明載怒載厲載飛載揚雄威所吞已無荆湘既與虜逢大呼衝擊藥騰藜礪星流火戟虐焰電奔巨轟雷劈殺氣冥蒙不辨咫尺矢鋒所貫什伍聯聯縱橫交紐命隕弗顛攢楫奏颿筍束蜩編流尸塞川舟行弗前虜魄既褫扶創而逸聚于湖奧僅存喘息我方植柵江之南北火符在流掩蔽如翼越歷四旬飛走途窮將冒萬死以絕其衝我師見之千艘如龍似兔之走如鷹之從酣戰六時由辰及酉僕姑一發殪此酋首貫睛及顛仆若枯柳大憇既除餘不能醜通相告言我誠何心我去至暴我歸至仁誰謂培塿可高嶙峋



氣象雄  
渾筆語  
神奇

寓奇  
于雅

頌終  
獻規

再拜稽首來降來匡帝曰俞哉汝俘予受宥汝弗劉予汝父母  
汝凍予衣汝饑予哺數年豐障今始撤節奏凱而旋騎吹鬱搖  
形於樂歌節以獨鏡飲至于廟頒賞于朝帛登其家肉登其庖  
都人聚觀舉手加額或歌或謠有聲嘖嘖干戈相尋匪一朝夕  
自今昇平可坐而笑惟

皇神武動則克之群策盡屈四方式之惟

皇寬慈降則釋之義聲動盪疇能敵之惟

皇明斷遇事即決洞見千里不隔一髮所以西征成此駿烈小

大畢朝孰敢肆孽在昔赤壁洎乎合淝事以幸集尚傳策書况

茲之功俊偉赫熹揆古無讓可無頌詞臣雖微賤文字是職對

揚皇休并獻臣臆三代以還用仁興國皇宜遵行永作民極

清邊頌 永樂八年 館作

素菴鄒 緝 春坊贊善

梁侍講  
泊菴公  
評

雄詞  
偉調  
雜之  
鏡歌  
茄鼓  
間當  
必有  
金石  
聲也

伏惟皇帝陛下以天錫知勇之資紹嗣

太祖高皇帝之統緒克勤克慎懷保小民外暨四夷咸加惠撫

威德所至無遠不服獨北邊殘胡遺孽未底寧順往者阿魯台

梗化弗庭 皇上親御六師以討之由是款塞稱臣惟瓦刺三

酋昔受封爵于朝為邊疆之臣而乃背恩棄信阻兵構逆寇掠

邊境 皇上以為此叛命之臣不可以不討也復選將命師親

駕往征之六月進至撒里怯兒之地與戰擊走之至上刺河虜

酋大集其眾據險以拒我師勇銳齊發左右奮擊大破之追奔

逐北虜乘夜遁走漠北遂清乃班師而還至飲馬河阿魯台遣

其酋長來朝上撫以恩信慰而遣之六月振凱還北京臣緝不

勝慶幸謹撰永樂清邊頌一篇拜手稽首以進其辭曰



昆吾  
出匣  
其鋒  
莫當

聖王在御四夷咸附悉享悉臣孰敢違忤天之所覆地之所承  
殊方絕域莫不來庭蠢茲醜虜包有遺枿煦沫涵恩以長以息  
惟皇之德懷附以仁錫之封爵俾長其人大漠之墟窮陰之野  
息養蓄滋以有羊馬乃逞其兇乃肆其奸驕欲是為因構兵端  
同類相讐過我來附掠境盜邊以啓 皇怒 皇帝曰吁曷不  
可治宜飭六師往伐殛之乃修我戈乃整我旅乃奮我謀乃振  
我武旗纛旄鉞連屬後先縱金伐鼓震盪山川北出興和直指  
沙漠虎旅長驅聲震窮朔進抵其巢索虜震驚百萬之乘如雷  
如霆如熊如羆莫不齊奮雷掣颺馳川嶽變眩天戈所指孰有  
不摧既殲其眾亦殞其魁邊彼大酋剪其遺孽投石糜穀振枯  
隕葉陰山瀚海所向無堅順附則全違忤則顛既剗既除既獮  
群醜盪剔腥膻踈遠斥埃旋師飲馬撫納降胡綏之懷之其來

雄麗宏  
放有摩  
天自運  
之勢

英氣  
光芒  
直射  
牛斗

塞塗凱入居庸萬民呼忭鏡吹高喧權騰交旬邊塵絕息  
皇心攸寧飲至策勳賞賚兼行爾侯爾伯錫爵進秩爾將爾吏  
咸加優恤 皇曰汝士惟予汝功嗟汝勞瘁其休汝躬無功不  
酬無勞不錄凡在于行悉蒙優渥群方九有同仰  
大明無小無大各遂生成乾端坤倪清夷軒豁異域殊邦悉從  
包括聖功既遠聖德益昭需澤旁施上齊軒堯選賢任能置在  
左右同享太平以期永久三邊靜謐烽燧不傳於皇聖世惟億  
萬年

不能為征天將軍總統

大將軍論周恭入一月師院其境別時自海池直博

大將軍論周恭入一月師院其境別時自海池直博







叙事雅  
練得文  
忠公真  
傳

小艤趨出其上流因大風夜焚其舟眾兵繼至大呼奮擊大敗  
之遂平東都進克西都不一月郡邑以次降附乃布告皇上弔  
伐之意交民父老流涕感激以陳氏之殲于賊也乞舉國內屬  
願世勿為夷狄以外化唐虞皇上遂按漢故事郡縣其地置  
官司如內屬郡凡黎賊所以威震其民者悉除之交民大悅臣  
謹按大司馬九伐之法黎賊之弒主罔上茂棄典常罪當殘滅  
不可以宥然其國遠在萬里又自唐末至今五百餘年矣根蟠  
蒂固上襲下順恬不自畏苟非皇上神略雄斷洞燭事幾高出  
百代曷足以建立不世殊功如此臣潛忝職史官次第其事頓  
首百拜而獻頌曰  
聖皇統天建極肇此民彝以表四域際天極地無有小  
大以生以育惟帝是賴曰迪于彝帝則受之厥惟弗迪帝用糾

詞雄  
氣古  
種光  
神欲  
欲溢

以藻麗  
之詞發  
威嚴之  
烈

文成繡  
虎威彩  
逼人

之是曰天憲匪帝其私念彼交趾作貢南土亦既有年以奠其  
所惟厥茲臣背厥常証言盈庭以幸樂康天鑒在茲惟帝服  
訓奉若天命以征弗順皇皇聖謨百萬其師赳赳虎臣如熊如  
羆帝臨送之于江之許鳴笳沸天揮戈如雨皇帝曰吁來爾將  
臣汝弗究武姓弔乃民皇帝曰吁來爾統帥參將副將左右其  
宜神機橫海驃騎游擊爰及鷹揚各率乃職浩浩江流桓桓我  
旅有截其所有赫其武在江之西桂嶺之墟萬壘雲屯萬馬  
趨王師未來虎穴狼區瘴氣晝暝木林枯王師至止有風冷  
冷飛霜被野天開日晶堂堂之陣道行無留偏將別趨乃斧其  
喉乃斫其寨風火烈泥沙培塿何有帶嶼富良之江有徒林  
立一炬宵投群舸如鴨大江失據連柵齊拔乃蕩其郭乃夷其  
城兩都既平四郊遂寧按兵止戈宣我皇德乃詔庶鰥載欣載



雍穆  
穆盛世  
之音

悅有羊在牽有酒盈尊延頸促武拜手轅門交人既來乃告乃  
謂曰于天氓皇勿遐棄皇之宏化如天浩浩曾謂交民而不覆  
憐飛章帝闕帝閔且吁曰真交民曷圖厥初爰昔漢唐制納內  
地宋化失宣投之醜類今五百年天運載旋朕惟幾逢敢弗順  
天乃斷自衷乃擇俊又立之百司統以庶吏乃發洪音乃厲庶  
士交民困疲汝惠鮮之母俾交民憂心孔懷於乎噫嘻聖澤洋  
洋自今其始交民永寧交人于于惟帝之謨交人來同惟帝之  
功伐石泰山告功萬世億萬斯年永蹈成軌

平胡頌有序

永樂八年館作

泊菴梁

潛翰林侍講

楊奎士  
東里公

於惟

詞銘  
古勁  
氣格  
高奇  
闡揚  
皇上武  
功赫奕  
彪炳足  
垂不朽

太祖高皇帝毆除胡虜以肇造有邦  
皇帝陛下繼承大統制作之盛侔乎唐虞而宏謨遠略高出萬  
古既南伐交趾郡縣其地而凡天地覆載之內梯航所及奉環  
效贄惟恐有後獨茲元孽遁逃漠北固知天命敢抗王師萬邦  
有位莫不憤然於是 皇帝念惟

藻思  
霞起

太祖高皇帝之緒與社稷之故告于天地類於百神迺永樂八  
年二月丁未躬秉黃鉞赫然徃征鸞輿啓行不疾不徐連營千  
里戈甲鮮明丹旆玄纛飛揚晡雷而 皇帝勞撫將士慈仁決  
洽志慮純一上與天通士有飢渴天降瑞雪地湧甘泉上下和  
同神人胥助道無留行五月己卯進轅臚胸河直搗殺胡山一



永樂實錄本雅失里元子孫名阿魯台其臣也

述禹湯文宣以頌今日功烈然倫

戰而本雅失里敗走僅以身免還就阿魯台之眾于靜虜鎮將  
勇士奮橫挑疾擊大敗其眾殺獲無算於是邊塵清肅海徼寧  
晏歡聲勝氣振蕩遐荒遂封表山川飛詔兩京即命班師既還  
北都獻俘郊廟論功行賞內外遠邇無不忻躍臣惟三代以前  
聖帝明王所以綏寧中夏者如黃帝之誅蚩尤大禹之征有苗  
成湯之滅昆吾文王之伐昆夷宣王之逐玁狁惟其有曠古之  
殊勲故能建無窮之基業也降自漢唐至宋之季中國夷狄之  
禍甚矣而元以夷狄遂主中夏自天地以來未嘗有也仰惟

太祖皇帝擴清拯溺之功如造化之開闢而  
陛下繼述統承綏懷開拓神功聖德巍巍煌煌蟠天極地誠與  
黃帝大禹成湯文宣異世而同符者矣於乎盛哉大禹之前雅  
頌闕紀而商周之詩所以歌詠湯與文宣者皆協之律呂播之

奇氣勃發神彩

鋪張我武古色飛動

金石告之神明煥然輝耀以垂不朽臣忝職詞林觀茲盛美其  
何敢默謹再拜稽首而獻辭曰

於皇聖武桓桓其威聲教所暨孰敢不來蠢茲殘胡假息邊陲  
綏之懷之黠狡傲嬉帝弗時誅往命招携乃戡使臣慢狼益滋  
人懷憤疾天降之苗惟帝奉天其孰敢違將臣相臣百萬其師  
煌煌鸞輿夾火龍旂自都及郊春陽載之萬營連屯萬騎雲馳  
浩浩龍沙野曠無涯帝未至此轅門畫闕金戈黃成爛其有輝  
六和敦弓七札明犀貝冑珠纒晶瑩璨璫號令嚴肅進止以時  
既鑠臚胸鼓行疾馳遂搗殺胡霆行電飛六軍一呼免窮穴披  
馘之連連繫之纍纍既殄其渠釋其備羸蛇虺所都俄頃清夷  
陰風颯爽倏變和曦還蹴狂猱剖之磔之火旗機燄灼之燔之  
六軍益張窮迹往追帝曰止矣眾其還歸封于山川告于神祇



飛詔兩都暨于遐夷鼓鉦闐闐和鸞孔嘉凱歌布道鏡簫載吹

寫出 凱歌 氣象 獻俘

太廟賞行賚施萬邦來賀惟帝受禧凡此大功帝實圖之神筭  
雄略開闢化機奮湯蹈厲孰測端倪帝撫將士察其寒飢飢則  
予食寒子之衣病載後車賜之藥醫道行苦渴水潛于谿天降  
瑞雪泉湧于坻凡帝所作天寔相之爰自漢唐暨宋之季犬豕  
橫縱中國盛早五百餘年孰不憤咨惟我  
太祖既除既治肇造綱常拯民既墜惟帝紹統功德愈偉黃帝  
大禹商周之際推古較今固有或二酌功百王雪恥萬世施于  
子孫永永是賴小臣稽首敢獻歌詩垂于將來蟠極天地

擬上大閱頌

有序

嘉靖辛丑閣試

用均董

份 宗伯李士

徐文貞存齋公評用均深于馬記故所作翻：腐令此准陰博沙手也吾偏師五下不知足當旗鼓否

夫兵者聖王御世所以戢亂致寧警遠綏近助化道之流保  
防治之微慮也故急則施戰寬則訓習形實相加用之有先後  
也孔子稱不教而戰是謂棄民三代以來至周所載其言簡閱  
之事詳矣當是時九夷通道西旅底貢永清于四海蓋安不忘  
危逸能惟始所以繫苞桑而固磐石為萬世計也周道既闕軍  
旅盡廢四夷交侵宣王能選車徒之盛會諸侯于東都復文武  
之境土則詩人美之車攻吉日所由作也若然者豈非遇變而  
修因難施警固中興之茂主而帝王之軼節與及至晉侯定襄  
則大蒐示禮楚子興霸則五年簡兵皆以橫行中國扶衰起微  
位在藩臣而臚于征伐君子懼焉春秋不非者以善用其民能  
存先王之制也夫治平盛時有如彼令王名侯則如此信矣兵

用史記句法妙



氣暢詞  
文凌越  
時筆

之簡閱上世之務也。明興光有四海外，控百蠻，重譯殊俗，盈溢闕廷。施于奕世，至明天子，益修禮樂，致德順遠。方之物異國之奏請謁獻，見不可勝道。主上躬于明堂，臨觀而四方輻輳焉。問者匈奴丁運再入，內塞山西，被創天子，憮然詔下廷議。於是群臣皆言曰：北虜為患不靖之日久矣，自古而記之，賴皇祖威德驅逐絕遠，斥埃達于沙漠，闢地萬里，經日月所出入，至異績也。今陛下躬親神武，體行遠德，奉承天統，明開聖緒，振累世之業，握萬國之籍，廣制馭之道，顯懷來之路，響應方外，四荒嚮風，稱臣來王，厥角稽首，日不暇給。泰階熙和，欽若上下，恭輯群后，可謂至治而蠢夷干紀，至厯上慮。臣等愚不逮事，竊以陛下當百王之運，監于上古憲法，祖宗損益潤飾，興制改作，補前人之未遑，成一代之宏典，甚盛備也。而簡閱之禮有司缺而未講。

詞調大  
有古風

叙事  
典核

危門遺  
响

器度  
不凡

夫禮有六者，軍居其一，非所以示制作之全也。承平偃武，卒遇有事，一旦奮勵之難，宜及國家小警，舉中冬大司馬之法，略采近世之制，折衷明之典章。陛下幸時臨之，六師訓教，威靈顯昭，外以備國容，而振軍實，內舉制度，以貽永久，實萬世之策。非但震懾夷虜而已也。制曰：可。其下大司馬舉行，朕將親覽焉。可不謂聖人觀微而作者乎？非大聖人孰能當此受命而創制者耶？臣乃作頌曰：

於皇上天，肆畀有明，厥保定爾，其德克承。克君克長，萬方來王。夙夜惟靖，乃戢于兵，厥惟戢之，匪厭黷之。帝授孫子，即戎秩之。乃命宗伯，咨爾軍禮，司馬致民，爰振其旅。茫茫大田野，有林麓。虞人萊田，衡師待閱，中冬之月，馳我君輿，自于王官，載馳載驅。革路有就，四駮孔昕，龍勒儻纓，樊鵠大麾，弧旌枉矢，烏旗龍旂。



妙思雄  
文種  
登峰造極

天子至止原野之區艾蘭為防置旗轅門選徒既戒陳之如雲  
百官象事六師受成樹表有五即車于營懸鼓鏡獨振鐸授鉦  
識其旗物辨號與名聽誓于陳狗以斬牲乃坐乃作進止以聲  
陳師簡眾戰陳不渝鵠觀魚麗箕張翼舒天運其軸地潛其樞  
我司我局我辰我維群力並作眾勇咸附射夫既同舍矢如破  
扶其戈矛力如魃虎如霆如雷助王之怒甲如日張旗如雲興  
鼓是震不騫不崩是訓是戒止如于城乃獻天子公言錫福  
武夫腹心既優既渥戎狄是膺萬世侯服皇皇穆穆有萬斯祿

帝錫瑞鹿頌有序

嘉靖乙丑閣試

泰巖休懿德庶吉士

天歆我

聖皇之德昭貺嘉祥駢繁紛委若川湧雲集以介

九重萬壽無疆之徵維時四十四禩

聖誕甫臨則有神芝嘉禾玉兔靈藥屢見禎符

皇上昭受凝禧既純既茂乃九月

大享禮成馨香發聞和風周洽適有白鹿見于藐姑射山仙洞

之側交城王得之以進夫藐姑射之山神人之居在焉乘雲氣

御飛龍能使人物壽昌而年穀豐熟列仙傳曰鹿一千年為蒼

又千年化為白殷仲堪曰白正色鹿者景福

上帝若曰予嘉

皇德登進萬壽假爾神物錫之瑞鹿以彰厥徵猗與休哉自昔

董學士  
湯陽公  
評

敘事

明切

簡要

頌語  
駢麗  
菁華

引據  
核而  
切



帝王膺錄輯祺未有若此之瑰奇明著者也羣工百僚忭踴懽躍咸謂我

皇上神德聖功格于昊穹顯茲瑞應宜垂頌聲詔之罔極於是臣某謹百拜稽首作頌曰赫赫我

皇敬一仁壽宰握三無陶鑪萬有化格玄冥精流宇宙福祉孔著

聖德愈茂心惟天若祥與和凝仙芝奇秀嘉禾普登神丹靈兔

是獻是蒸軒圖靡覩舜曆靡膺綿承景眷載肅宗禋乾坤交泰

日月貞明九功惟敘百理告成天鑒在下明德惟馨爰有瑞鹿

來獻其禎自彼宗藩貢于

帝庭粵產何所貌姑射山巖然仙洞秘矣玄關十洲馴適五嶽

盤桓瓊枝夕燕玉液晨餐曠如神授皎若帝頌迺躋真島迺進

瑤京率舞清都來儀禁城徑徑其影呦呦厥聲音諧百祿美跨

四靈長生聿兆久視允徵老氏昔乘發祥寶季黃帝瑤池致壽

萬紀先聖僅聞於

皇是比瑤極精分斗樞光啟霜毫應圖素毳呈祉

帝曰休哉天實予貺萬禩是占百嘉攸邇神理孔明莫之辭讓

其薦

廟庭昭融洗漾其育靈囿明此大貺羣工有忭踴躍拜稽

天子萬壽第錄天齊永康庶類永保蒸黎天寵滋荷地釐增禔

微臣作頌式贊日躋

會元 氣于 無間 出歌 蒸于 唯曉

句句 鹿切 瑞



嚴相國

評

介溪公  
揮灑  
陳言  
煥發  
藻襟  
方之  
儀尊  
華濯  
鑄鮮  
龍蛇  
虎豹  
燦成  
文章  
郁  
平彬  
彬乎

敬一亭頌有序

古石靖乙閣試

啟圖何洛文

少宗伯

蓋聞昊天垂象實定羣物之紀。聖人建極永標萬世之宗。故至道儼於羨墻。時人繫乎耳目。粵自太極剖精。圖馬洩秘。固沛乎江河。昭然日星矣。乃大化因人以顯。熄真源隨世而泐。衍蓋亦有焉。昔堯德欽明。始振中天之運。舜謨精一。載宣協帝之華。並操一契。遂擅心傳。三王孚其正印。尼父總乎大成。嗣是以還。斯文之肯構。彌遠至理之奧闔。易蕪筆之書者。世遠而靡徵。寄之人者。言湮而易墜。誰莫由戶終罕。升堂豈非榛荆難闢。羽翼時窮者乎。洪惟我

皇上德合乾行。心通義畫。猶復緝熙聖學。疑會道真。乃開發精微。闡揚宗旨。御製敬一箴。頒示臣工。并註范浚心箴。程頤視聽言動四箴。以繹厥緒。大哉皇言。一哉王心。可謂集帝王之統。貫



啓臣民之會歸者已茲復特俞輔臣之請命建亭勒碑於翰林院并兩京胄監天下學宮大道為公錫民保極洋洋乎盛心也哉載考皇極敷言未形規造懸法象魏莫預道揆並稱盡制貽燕不窮矧迺傑構炫煌

點綴掩媚如落在花艸

奎章赫奕樞瞻增聳在誦知方聖涯不間乎探淵帝訓日彰乎觸目寧非與日月並朗于太虛木鐸長警于宇宙者哉書曰天佑下民作之君作之師仰惟我

皇上作民君師神道設教闢藩翰以引羣蒙啟壺奧而覺終古創一代之盛制接百王之芳聲巍然煥然何其偉歟臣沐膏含化思美盛德之形容以播諸萬世謹拜手稽首作為頌詩以獻宸扆

宸扆

皇統天建極輝奮中興載矢文德制禮作樂為九圍式必懋聖

脩丕昭民則欽明昉堯精一肇舜前世流徽實傳心印曠代允

符

皇總厥蘊宣綮抽微敬一著訓曰敬斯聚曰一斯純攻之者衆統之者心視聽言動復禮歸仁制外養中爰制五箴述矣秘統

闢自

聖衷周行是迪頒示羣工羣工稽首曷紹靡窮乃命冬官乃勅

新宮覆以崇宇鑄以貞珉建自翰苑洎于成均遍厥黌校焜耀

嶙峋使由而知殫布人人未覺畫棟歧翼翬飛丹青炳煥雲漢

昭回金石靡刊琬琰長垂如進寰宇面命耳提古銘盤盂或戒

几杖允蹈一時錫類未廣豈若斯亭羣趨共向王道平平皇風

聿暢維水有源江河是涯維木有根叢柯森蔚洋洋聖謨理鍾

化會庶草以蕃二儀攸遂煌煌德構蕩蕩道基人靡戶喻家有

事不傷引情無牽合有韻之文足稱大雅



蒼勁  
瑰奇

餘師河海行地日星朗虛惟  
皇作極泰道允躋制冠百王功高千古龍見文明聖作物觀巨  
地奠維窮天立矩微臣作頌式備歌舞

張相國

我

平倭頌有序

嘉靖乙丑閣試

曲江李存文

庶吉士

評唐宗  
克平淮  
蔡詞臣  
韓退之  
既作碑  
以紀其  
盛而柳  
子厚先  
生文復  
為鐃歌  
鼓吹被  
之管絃  
以彰休  
美斯文  
也可以  
繼響千  
古追躅  
二公矣

皇上握符御天統一寰宇薄海內外罔不率禪是故九夷八蠻  
凡正朔所不加率皆稱臣納款以來貢於  
帝庭休哉固大同之世也維是癸丑之春守臣失馭迺有島夷  
不共侵侮我中國虔劉我人民用為東南莫大之患當事聞之  
天子天子乃曰維朕奉天明命撫茲南夷輒敢肆厥憑陵汚我  
華夏朕心惻焉爾一二大臣尚奉揚  
廟謨其命文武兼濟若方叔召虎者俾總朕師于是時督撫  
諸臣咸仰奉  
明詔日夜思竭其安攘大計以對揚  
天子休命以故兵威所及莫不竄伏震驚而中國之師稱常勝



矣顧島夷性多變幻出沒靡常

天討屢加鯨鯢未靖頃我

皇上乃益敷德化格彼凶頑兼以羣策效忠防守彌固由是比

年以來海波日靖而桀驁不臣之寇一旦傾心歸伏無叛志焉

夫丕振

皇靈用昭捷伐大舉也命將徂征悉遵

廟筭大略也所至之民室家胥慶大順也一舉而三善備焉其

為帝王之師美矣書曰明王慎德四夷咸賓紀德也詩曰徐方

既同天子之功紀功也昔唐宗克平淮蔡詞臣韓愈既作碑以

頌其盛而柳宗元復為饒歌鼓吹被之管絃用彰休美矧我

皇上玄德巍々尤高出萬古之上乎臣故不揣庸劣作為詩歌

用以先贊

鴻猷用垂久遠非敢過為誇耀亦使後有作者知

當代有頌德頌功之臣焉其辭曰

大明御極四表之光梯山航海靡不來王蠢爾島夷擾亂天紀

仇我大邦襲我都鄙我

皇震怒爰整六師爰命衆將如熊如羆

天子曰咨兵非得已凡此東南皆吾赤子桓桓撫臣欽若

明命志存安攘既戒既敬恭行

天討赫赫明明蠻夷駭矣淮甸承平維彼王師有若時雨兆民

胥慶式歌且舞經營底績告成于王

天子曰俞往卽爾常是維

帝德淮夷來同河清海晏我

后之功凡此豐功迨此明德宜勒鼎彝宜銘金石我

典雅切 朴雅切 非雅切 手不雅切 能



皇聖武度越周宣臣拜稽首  
天子萬年

平倭頌有序

嘉靖乙丑閣試

肅菴陳經邦

示伯學士

袁閣師  
元峰公

評  
序有  
詞采  
頌有  
頓挫

歲徒文  
采環璋  
詞草

臣聞天討有罪仁者之師無敵裔夷犯華聖世之典必誅故淮  
夷負固厥有甲戌之征蠻荆未威爰寄壯猷之將若乃商伐鬼  
方克尚淹乎三歲周討玃狁至僅及于太原得無師徒久頓而  
深入之未遑乎恭惟我

皇上神武丕振濊澤旁流六羣晏澄羣生暢豫偉哉順治威嚴  
之盛方行天下至于海表罔有不服者矣葢爾倭夷敢行稱亂  
借險揚戾鼓威河伯掠我民人焚我郊堡鴟張抗當轍之臂假  
息效遊釜之鱗邇以邊吏不戒上厯

當宁我

皇上赫然震怒爰命徂征廟筭定于  
九重天威凜乎萬里將吏胥奮我伐用張竄竊內地者伏斧鑕



雍容博  
大典謨  
文訓誥之

之誅出沒海徼者就鯨鯢之戮一舉而即劔其鋒未幾而遂蕩  
其穴譬諸鼓炎鑪熾鴻毛何幸之可冀哉疆臣露布以捷上

天子曰都島夷底平惟天惟

祖宗之靈其以元兇獻諸

郊廟論次厥功犒賚諸將士有差所在有司其拊循被兵之家

于是中外臣庶咸仰我

皇上神功武烈廓清讐服賁若草木兆民允殖謳歌抃蹈以樂

太平是惟皇皇燁燁震輝千古者矣臣不敏追昔帝王武功告

成且列雅頌被諸金石傳示罔極矧茲

聖武布昭寰宇攸賴可無贊以表無兢之勳哉竊不自揆謹再

拜稽首而獻頌曰於

皇御世迹邁苗虞威靈奮化洽露濡祚鞏金甌治調玉燭日

鋪敘容  
與華而  
不滯

隨意  
轉旋  
風生  
錦簇

月所炤靡不率屬海嶠小醜肆用不康窺隙竊發跋扈陸梁

我婦孺擾我澤國東南告灾疆有蠢賊

帝赫憑怒飭爾戎兵疇敢犯順往公其訖師徒畢戒舟陸參伍

來扼其途歸過之路蠢茲兇頑迪屢未靖悖天之誅恣厥梟獍

我兵桓桓如虎如貔志遏亂略奮怒殄夷孰陸而掠弊我戈鋌

孰舟而道我則盡殲撓搶俄隕氛侵永絕海波為舟載空其穴

皇靈震壘京觀崔巍瀚海風恬露布星馳始時閭閻奔竄脇息

今也潢池措諸衽席始時所侵鼎沸雲擾今也嬉嬉詠歌醉飽

虞格七旬

皇匹其武商克三年我如時雨島夷既平邊鄙無聳守在四夷

化弘一統威殫無外功著不刊

天子萬年垂衣舞干

沈雄  
迤邐  
綽有  
餘音



... 來其金... 赫... 外... 臣惟... 天子之守四夷... 折衝何者... 聖德遐彰... 厥効昭然... 白登自宋... 太祖高皇帝... 成祖文皇帝... 于沈... 日忘哉而我... 國家建都幽燕... 與虜比鄰... 斯又肩背之患而疆...

秋防無警頌有序

隆慶戊辰館試

肩吾沈一貫

天官李士

趙國公

如入... 家隊... 中五... 色滿... 然令... 人目... 眩目

臣惟

仁人之師無敵嘗不戰而屈人兵

天子之守四夷每先聲而奪之氣故干羽可以格遠俎豆為能

折衝何者

聖德遐彰則九譯窮髮之使內治維飭斯八荒來回面之臣

厥効昭然維可觀也竊惟韃韃之患自古為然秦絕紫塞漢圍

白登自宋徂元遂倒冠履此宇宙所無之大變也我

太祖高皇帝天賜智勇一掃妖氛

成祖文皇帝神授英略三犁巢穴遂能回霄漢之初照洗日月

于沈... 盛矣然虜情叵測弯弓報怨之心豈一



意奇語  
古不誤  
兩京

場之蝥也故歲有小入時或大舉或犯薊遼或度宣大榆林之  
戈每枕而固原之甲未銷往年汾石之間肆然內訌生民蒙毒  
視昔無異雖天誅稍示而殺伐未光有司耻之咸扼腕攘臂而  
願有事于甲冑也請兵深入一舉盪夷詢方召之遺圖踵衛霍  
之故略飲鉄騎于瀚海築京觀于居胥以侈我大明之威靈  
聖天子之神武載勒燕然垂示罔極

如層山  
疊嶂令  
人駭觀

皇帝若曰予一人肇承丕序四方未依不懋于德而務勤遠非  
上帝眷懷之心匪醜有咎實予之辜乃早作夜思誠身允德萬  
幾日御郊廟必親令出而化行如馳心懷而感動萬里宿奸積  
蠹釐剔無餘耆德遺賢招羅殆盡鴻恩厚澤遍寓內矣而其注  
意邊圉廣徵長策選將詰兵之慮轉輸備禦之方靡不周至蓋  
兢業始于一心而輯寧布于萬國綜核加于庶職而威靈震乎

事端繼  
恣有頃  
囊削峽  
之勢

殊方故天戈未指而幕南已空神笑方授而蠢虜遐遁遂使  
夏之民既免蹂躪之患而夷裔之衆亦無誅伐之慘庸非天地  
竝生之仁乎臣聞旗鼓相當矢石交下而奏斬將擐旗之功者  
將校之力也臨敵設奇指授方畧而雄批抗擣虛之術者元戎  
之勲也石畫于廟堂之上制勝于千里之外公卿大僚之功也  
至乃端

皇則于九重揚天威于萬里淵乎微乎異類欵攻心之策如  
春如秋殊方奉威讓之令銷逆孽于未萌奪戈矛于不試此非  
聖天子神化遠臻威德兼懋之烈哉書曰無怠無荒四夷來王  
小臣區區願

寓規  
于頌

聖天子永保元休益弘盛德以隆萬年之治敢追賡歌之風竭  
將順之義獻頌一首謹昧死上頌曰於穆乾元廣運兼仁弘鼓



明珠翠  
羽自是  
奪目

魚腸劍  
也機槍  
琴星也  
機音參  
槍音鐘

大造並育下民或內中華蒸之倫或外四夷僉之仇咸與  
共生維天之親維聖憲天為民大君令飈神州恩濡九垓房皇  
休嘉一軌齊均豈伊裔荒弃同織塵彼驕弗思天誅用申匪天  
有誅自速伊焚肆我

二后九伐用張載芟載夷往斧其吭載戈載矛往夷其庭逸子  
暨孫玉帛來王往二弗靖窺我封疆我師桓桓殺伐孔揚

天子曰嘻莫匪予氓橫罹鋒刃蓋予以傷薄驅出境慎守邊疆  
乃敷不德乃飭皇綱剔釐蠹奸登崇俊良疇予若時燮陰和陽

疇予若采九德胥匡疇詰戎兵我戚我揚震落裘膽以遏亂狂  
疇典禮樂鳳和鸞鏘揚于舞羽格茲暴強庶政維和百度咸彰

貢書效琛  
天子皇明肆息狼烟肆索魚腸旄頭戢輝擄搶函光邊吏蹴鼓

飽食超驤方秋載春無幽不陽

天子之仁被于遐荒竝仁夷夏澤流泱泱

天子之威戢于未忻承德望風以橐以藏臣願

天子永隆永昌允執厥中配彼虞唐臣願

天子若川在防之未然靡防弗減億萬斯年海岳梯航

更見忠  
惻



○ 擬

聖母還御 慈寧宮恭上 聖孝寧親頌有序 閣試王圖 檢討

我 皇上統天嗣曆崇孝敦仁薄海內外仰無方之順德被不

墮之宏化以為比蹤虞舜方駕周文數年以來三至畢誠

兩宮膺祉皇、平萃歡于萬國邁迹于千禩矣頃

慈寧宮之役也祇嚴天戒益虔子戢襲規于舊圖構維新命太

史詠時定日司空鳩工庀材

皇上復躬臨展視勸相雄成美粟薦于大官餘鏤出之內帑戒

之勿亟勞者彌勤甫歲創謀踰年告績乃以八月之望奉

聖母還御燕而落之是時也月規盈而紫極增輝雲物佳而婺星散

彩自六尚以及掖廷三千爭傳嵩祝由百辟以洎海宇億兆再

咏斯干是皆是

申閣師 許瑤泉公 雕詞 刻句 如紅 芳紫 艷與 天花 在萬 令人 目眩



皇上大孝格天故禎祥駢集至仁率物故黎庶爭趨不罄宣揚  
曷徵休美乃作頌曰

帝眷我

詞鋒賦  
媚調法  
臨遊

皇聖哲統天膺圖御錄闢坤轉乾在宥基化孝德是先握樞道  
秘澡身玄淵嗣服旬歲聲教遐宣勉宸衷  
慈訓丕傳岐周接迹虞廷比肩卓矣靡後荷式無前用力用勞  
士人所專博施不匱惟

皇有馬鬱彼

璇宮屹參星躔汰爾首經宗鼎開用虔吉日進

甲史氏攸詮司空執度式也弗遷匠石至矣技削墨程權複道縵  
迴周閣連延藻井雲構繡檻霞臺丹雘瓌瓌織綺糾纏彤扉既

華彩  
絢爛

敬金鋪麗旃

聖母諦念撫勞閔然曷以佐之庚粟帑錢

聖皇慰誨子來億千曷以成之克慎且造

鳳輿屆止翠葆相鮮

天子為壽拜舞周旋爰居爰處如日如川鈞天寫樂碧管朱絃  
層宮奕彩袖仙豈必金母瑤島瓊筵黃竹之歌白雲之篇

頌言自昔臣謝侗顓惟曰

聖母道通九玄姜姬齊美太如讓賢惟曰

聖皇澤流八埏一本克隆百順斯全

聖母

聖皇與天萬年

危絡宇  
宙變化  
古今母  
儀至孝  
祝頌无  
極



萬壽無疆頌有序

庚寅八月閣試

弱侯焦竑

修撰

上閣師 荆石公 計琳琅 汗燦然 星辰殆 携波斯 船來取

臣惟自古明王乘乾御極莫不鍾川嶽之靈氣膺天地之殊寵  
斯能恢皇綱幹玄化故唐兆聖於赤龍商發祥於玄鳥其來尚  
矣恭惟 皇帝陛下 丕承駿業續 六七作賢聖之君 大

啟鴻圖衍十八載和平之福萬邦徽祉九夷解辯斯萬世一時  
之嘉會也頃醜虜渝盟邊書狎至輒復 中夜以思當宁而嘆

如宣王之倚張仲邁文帝之思李牧知 中興之立致豈左衽  
之足虞時維八月忻逢 萬壽簪裾塞路鍾簾在 廷山峙鵠

立人声寂然侍中奏而內外肅也 日角龍犀天光下矚  
黼座升而臣工伏也峨冠垂紳魚雅就列則衆星之共北辰南

金大輅纁玄乘黃則百川之赴巨海斯時也 玉陛風清彤闈  
日麗 君龍顏而撫九有臣虎拜而祝萬年 煌煌庭燎火城



楊妃舞  
盤迴旋  
搖曳光  
彩動人  
夫

如擁山明九韶鳳儀斯協蓋川至日升之筭以莫不增而星流  
電繞之祥方斯為篋矣昔山稱萬歲漢奉玉卮而上壽節屬千  
秋唐摸金鏡而忬悃祝頌所將忠規以寓願臣疇人職在史局  
慕奚斯之善禱感吉甫之清風敢竭其愚為頌以獻雖繪天摸  
地自知五色之難施而刻篆彫蟲聊與萬民而共抃云爾其詞  
曰蕩坤輿魏帝德君臨萬邦與世無極大造為容陽春  
布澤百生易邁此日焉求猗歎聖誕維仲之秋祥光夜合佳  
氣晨浮祭戟雲從周廬星列

輦下層霄蹕鳴雙闕千官百辟駢玉交駟貂獬鷄賓傳  
句臚日華五色嶽響三呼聲搖環佩色麗綺疏置酒文昌高張  
宿設有客踰載華載裔冠繼纍辮髮醕清如濟殺烝  
若陵凍醴漸流温酌波興九微百華光采憑凌群工霑醉萬民

鼓舞粵惟

君王寔我父母洋頌聲四達寰宇早魁蘊隆我

皇賑之戎馬縱橫我

皇定之孝洽兩宮威鎮四夷慶紀有開辰逢載夙爍電方

休舒虹擬福酒獻南山籌增海屋小臣作頌願德如天日慎

一日玄之又玄受帝之祐於千萬年

贊美楊  
徽引商  
刻羽



一日之受又受帝之命於千壽年  
 林清神謝賦西嶺南山警創氣皇小引於賦賦  
 皇親之存無難難姓  
 皇親之存無難難姓  
 皇親之存無難難姓  
 皇親之存無難難姓

修降  
 贊美  
 贊美

萬壽無疆頌

有序庚寅八月閣試

周望陶望齡

編脩

王閣師  
 荆石公  
 評詞雅  
 韻莊且  
 沉思且  
 模寫熙  
 朝盛美  
 畧無彩  
 澤而頌  
 不忘規  
 尤見忠  
 夢

臣愚陋伏觀于天人之符非無剖乾紀彈坤珍統三靈而開毓  
 未足以發祥上哲非無杖神摹總聖真通邃古而一成未足以  
 茂衍鴻祚故華渚流虹既徵於瑞牒空同順風亦遊乎道圃倚  
 休哉盛烈所同貫也恭遇我

皇上

道冲為用居萬物之宗德大難名得聖人之壽天休滋被六  
 合禔福共履仁域游於大年維茲月日

皇上萬壽聖節所屆也于時磐石

宗盟承流庶窳車湊於邸篚充乎

廷以至夫開梧浮竹之首椎髮交趾之長莫不望期輸畫咸會

于



寓諷于  
頌忠誠  
藹然

闕下隨獸而舞應萬而祝者未足以繪圖記都歟盛矣夫有萬其曆盈數也維仲之秋成候也取數之盈偶時之成善契也由斯以論華封千歲之稱詩人岡陵之頌殆未足多述臣聞攝精葆神道之光保世安民壽之大周王所以致美于作人姬旦所以陳符于無逸咸是物焉

皇上於是宅簡靜以頤之躬憂勤以莅之夫簡靜之引年長于呼吸憂勤之寧志逾於康娛用能體天之健而並其延如日之升而繼其照所以膺茲孔固躋于無疆者意在茲乎蓋漢代玉杯祇重其安感唐人金鏡奚取於虛縻臣無取焉敢竭其蒙矢辭以頌頌曰

於赫

昊天鑒觀明德集我

皇帝爰萬其曆

皇帝冲聖遂闢四門煌煌厥初如日始暎既十八載有暉其曜

窮也暨潛日中之照

慈宮孔極頤頤

聖嗣銅龍玉螭式燕以喜

皇帝曰嘻荷天之祿匪予一人錫茲四國優哉耆老有黎在

田有嬰在抱遠邇札瘥綏我壽考維

天子賜胡不萬年以長以隸凡具齒頰靡不善 祝蒸和涌祥

均

天子福會朝孔盈考鼓奏笙詭服蹕跚拜稽於 庭植山為籌

引海為杓

皇之悅愷我庶孔樂克寬克勤合契 上天可以養生可以永

組織為  
工鍛鍊  
為巧干  
鑿萬鑿  
遂現精  
瑩



年姬公作訓鑑於無逸臣述頌詞庶其罔斃

萬壽無疆頌有序

庚寅八月閣試

昭素黃輝

編修

我皇上中天纘服建元萬曆將以廓帝絃光祖德嘉與

函夏長蹠康寧如詩所稱無疆勗維茲十有八禩仲秋既望復

當流虹之誕方員澄肅休嘉砰隱自日戶月穴戴景懸繩莫不

納賚來庭師邕邕儀舞後先怵呼祝頌天動雲戢臣不佞竊

以為頌者容也盛德穆如強為之容宜測傳根抵膚莫無取焉

昔姬公稱享國長乂遠引三宗近及文王皆迪哲知難之繇深

懲縱佚以詔後服藉令復有異術可以延長壽命如後世所云

公于成后寧有愛哉乃迂怪調誣之徒侈張熒惑卒歸空虛為

世姍不暇何昂湖云亭也蓋華封人祝堯多壽堯猶憚不居

彼寧姑為讓而已當是時內儆洪水外咨蠻夷兢困窮良懇

於多辱故能巍乎如天壽高五帝名至今不衰臣以為詩書所

閣師許

穎陽公評

體格

莊嚴

筆力

蒼邃

不以頌

而以規

便見忠

赤



稱迪哲知難善有長久宜必自克始

洞庭張樂不主故常不肩幻眇然而無所不有也讀昭素文者求以此

皇上孝事 兩宮子惠元元頃緣水旱為厲隼心求瘼不難傾  
廩振救民氓用蘇蠶尔犬羊野心內訌赤子之閔旁逮黑番特  
受天鉞扶靈西討師出如雨妖焰行婁咨傲之至不知視堯何  
如庶幾哉永無射度越成后萬臣聞之維天好生生生者  
壽民所歸往天不舍眷故詩言天錫記表帝予

陛下不忍一夫靡忽唐德天必報 陛下如堯堯所不得辭

陛下永肩純嘏與天無極臣謹抒寫悃臆拜手稽首獻

萬壽無疆頌一篇誠知率陋不能形容萬一然傳諸萬曆使咸

知格天永命在此不在彼臣曷躍焉頌曰

維 明受命 日月麗天有祁十葉降福孔端於 皇嗣服卜

曆維萬淳耀溥將三辰以燕肅世宗体元中興道真之緒用

方格 昂霄

殿黎蒸天右 皇誕及茲踵武司中練日昔同厥 祖若曰百

昌擊迺成之若曰慶祚 皇寔寧之維彼雲漢皓月揚景維彼

珠躔壽粲于丙燁壽星繫德畧諸言獻 萬壽位表狼狐玉

龍整駕白兔啓鈿噓鸞聲來自 文母協氣澹而靡煜靡寒

風靜如灑雲出成冠閭盍天開庭燎為日萬象孔閑俄聞響躍

翼堦城穆 皇旒秉圭有似各位乃仇廣樂六莖泰容荒

之萬壽迴礪夔鼓倡之東自太平西自太蒙北自寒門南自裸

邦舌人是咸崩角祝喜無疆維天亦惟 天子日恒月升川融

嶽結咸天之以 皇匪伊契如松如柏如壁如金咸天之以

皇匪伊歆維 皇之極蕩壽域立于象先物維其則明堂四

通网怙攫授匹夫窮只 皇曰予疚水旱失職爰咨爰吁遐不

渙積無寧鴈魚閭澤滲漉如稿斯澍仰父頰子咸席爾聚獫狁

語大 有直



終篇  
峭健  
無一  
冗語

茂德狡焉啟疆。皇命方叔吉日啟行。維彼氏羌如嬰在綆。奮  
彼貔貅容賈餘猛。先聲所加雷動風疾。害氣剪覆善祥全集。  
皇心靡盈。惟日孜孜。魚貫在宮。網解于罹。諸庶昭受。史不給紀。  
瑞惟豐年。夢想賢士。億萬斯年。與天同慶。維人維德。曰宝是常。  
十有八祀。日如初。小臣獻頌。竊附天保。

萬壽無疆頌

有序

咨伯林堯俞 檢討

皇帝宸居其域。十有八載。德茂存乎十世。荷天衢提地釐。調玉  
燭奠金甌。鳧鷖既醉之譔。天保太平之頌。于今為烈者也。然臣  
仰窺 陛下道合重玄。心操抑畏。未央問寢。有舜孝之夔。為  
淵嘿凝神。有文心之翼。為蠲租下 詔。而慮周閭閻。煖閣  
名對。而情孚堂陛。頃者甘澍應祈。灵贖上徹。時和年豐。民安物  
阜。於都乎登春臺。而納華胥矣。雖蠢尔小酋。稍肆跳梁之性。而  
赫然 命將誕行。討罪之師。廟筭萬全。先聲禡魄。斯乃攬槍擘  
掃之時。而瀚海波澄之會也。惟是豐亨感際。正值 震夙昌辰。  
節屆仲秋。歲序薦西城之寶。月移既望。光華映南極之輝。仙萼  
開十葉。以向榮。聖菓結千年。而始熟。簫韶迭奏。律和。儀鳳之庭。  
香篆高飄。彩結銅龍之署。令普天而鰲竹。慶化日以嵩呼。瑞集



萬方邁虞夏殷周之盛。福臻百順。萬壽名祿位之全。豈非君德之罕儷。而臣子之至願哉。夫神樞繞電。華渚流虹。休徵也。九扈荐登。四靈畢至。景命也。仁與波流。德以風翔。湛恩也。折衝尊俎。戰勝廟堂。雄略也。乃聖乃神。乃武乃文。合之而極。建焉敷之而福。錫焉於是。黃童白叟。含舖鼓腹之衆。咸喜然而戴曰。懿夫明。天子萬壽無疆者也。蓋周曆所不能紀。而莊椿難為春秋矣。臣職叨近侍。身沐洪恩。謹飾固陋。獻頌一首。聊効華封之祝。庶摠金鏡之誠。云爾。頌曰。於燥。聖明闡珍。受籙正位。當陽天翼。皇統奕葉。弥茂誕發。厥祥厥祥。伊何瑤光。貫月玄鳥。生商聰明。睿智神武。不殺垂拱。衣裳十有八紀。栖志無為。冥心道契。萬幾日御。細旃時臨。朝倦夕勵。問安待膳。兩宮有怡。慈顏日霽。爰諮民意。闡澤覃宣。罔有底滯。六事責已。雲奏雨至。惟誠格

天。厥土可游。靡生不育。遂屢豐年。么麼醜裔。螳臂衝車。如魚遊釜。帝曰吁哉。誰長厲階。陵夷之故。胡市之執。胡貢之常。赫然振旅。特命重臣。闔外寄之。廓清寰宇。旄頭夜落。太白晝掩。炯炯此辰。奠位薇垣。含譽寔稱。老人為形。有道則見。天子應之。享祚萬齡。况當聖誕。月華長滿。湛露初零。天效其瑞。人助其順。以莫不增。法駕既御。陛戟百重。旌旗的歷。間以雞人。鳳吹。鸞笙。雲和之瑟。庶邦冢君。濟。鏘。駢玉交舄。辨髮之長。貫胸之倫。咸執方物。于斯之時。爐烟微靄。卿雲呈奇。動植時若。華平在。同運。理合枝。天子明德。無幽不屆。致茲固宜。金鏡綬帶。玉盤醇酎。以介維騏。何以祝之。如日之升。如川之至。又何祝之。卜年卜曆。遠過姬世。惟天不傾。惟地不夷。惟皇與契。小臣獻頌。謹效微忱。賡歌周雅。







英風銳  
骨有秋  
騰春駿  
影之意

伏鉞旄頭時張國彥為開府總帥中權李鄴侯成軍龍尾時李  
成梁總兵至於偏裨士卒罔不戮力同心具蘭石布渠荅前茅  
慮無後勁而堅一鼓奪氣終摧下瀨之師群校同疆薄示太原  
之伐法三驅而不誠本欲逐之使還奄七縱而成擒終焉縛以  
待命竟成殊捷遂奏凱歌呼吸而瀚海澄氛叱咤而挽搶隕色  
題封函首暴彼藁街涉血履腸投諸紫塞未亡一鏃可保百年  
此皆睿斷折衝皇靈坐勝又乃憫念征行推恩大賚勞浚于  
杖杜眷厚於出車時雨之澤畢朋仰之情懌陳之郊廟勒之旂  
常固可踵高城之赫靈振大明之天聲者矣昔周宣中興元  
和小勝猶陳六月之章尚奏平夷之雅况乎上聖殊代又焉  
能已末臣庸鄙竊惟勝靡足恃誅有可哀仁武所存廢揚斯賴  
謹拜手稽首而作頌曰

於皇時明膺錄孔固

二祖威寧八宗衍祐明明天子既娛既煦政誠化浹文翔

體裁典  
重協詞  
華藻覽  
之斐然  
頌之鏗  
然

武厝蠶茲沙虜莽伏蛙梧赤子龍蛇忘其恃怙怒其萌芽太陽  
之選候其告警乾心霆炆乃降勅責乃厲密畫乃勵乃時元戎  
是率乃命其官汝惟將將孰人非人疇勸予仇某拜稽首皇威是  
仗尚帥桓鏐膺虎鬣敵不畢鋤以為遺創乃命其官汝董是  
師孰人非人疇齟予慈某拜稽首敢不奉威尚帥桓如虎如  
貔如熊如羆敢不畢夷乃聚乃基候試侯服天子命我朔方是  
壁乃偵乃伏侯勃侯逐天子命我獵狁孔棘不遑啟居孰功可  
瘃孰鞠可俞孰是明明而可罔諸爾綏爾伍孰可緩書乃胥戮  
力以迄天誅乃課元功一百六十爾俘爾囚加獲百級乃錫玄  
圭乃瘞白璧陳常時夏在廟獻馘神罔時痾在公載錫威庸



庸天子論功莫敢不恭以侯以公天子式序莫不畢同汝蠻汝  
戎天子曰嘻何足以威天子曰嘻我心傷悲傷悲如何雨雪霏  
霏楊柳依依曜威如何王者不治守在四夷

遼東殊捷恭上

聖武頌有序

萬曆己丑閣試

字泰王肯堂

檢討

王閣公師 對南公 評藻群 斧藻群 言崎嶇 交錯而 淵雅蒼 健尤泓 乃然不可

皇帝陛下潤色鴻業統輯群先連四海之外以為帶九夷八蠻  
稟印太和技附葉著罔不率俾所不貢而不賓惟茲東虜厥有  
土蠻部落擁十萬眾聚兩河間候滿月以窺兵乘折膠而縱鏑  
為邊徼患甚大歲在庚寅糾合黃台吉等酋長十餘控絃之士  
數萬乘冰未泮計犯河東幸賴  
陛下威靈得其情遣諸將分屯要害清野以待之虜至無所於  
掠又阨于劉崇正降夷之邀繫故始而蝨至既乃烏竄知有備  
也已而鎮臣繼至猛銳長驅及之于遼河兵半濟堅冰忽泮幾  
溺焉乃從間道抵鴉背山奮擊之斬馘二百四十九獲馬橐駝  
諸械器稱是雖天未欲滅虜聊啟一面俾返隻輪然亦可以震



大御千  
風一瞬  
鵬里

警天驕布昭

聖武矣夫詩美執訊易嘉折首虞舞七旬之干羽周戒六月之  
車徒彼豈抗稜耀武惟遠是勤乎扎夫亦欲止戈戢矢恬瀚海  
之波毋為赤縣患也然則保泰之原合在于此方將續王會之  
篇繪職貢之圖上萬年之觴接千歲之統令我  
二祖浣腥濯羶之功久而益耀垂之罔極可無紀歟用敢墨筆  
操牘拜首稽首而為頌曰

聘無窮  
之路飲  
不竭之  
泉

皇明歲澤西被東漸獻琛納書桂海冰天惟茲土蠻為暴邊鄙  
螳聚實繁豺牙滋厲鳥飛獸走水轉草移游氣暫假靈誅尚稽  
庚寅之春戎馬南躍漢過不先楚氛甚惡狼心早露虎旅預防  
令布雷疾賞垂餌香彼攻有備我出不意始而盜至繼乃鳥逝  
大將攝之擊其惰歸屈此群醜殲厥渠魁事等摧枯勢如解籜

言泉駁  
發若不  
經思

雷擊霆轟山空谷寂祁霧歛翰海波恬王之德也臣何力焉

明明廟謨躋躋王造與神為謀法天立道布昭聖武克檻威神  
夾揚號厲乾健天行振稜藁街憺威毳幕解其旃辨就我纏索  
武先七德守在四夷無壞寡佉張皇六師欲振武功須敷文德  
振武敷文非勤弗克橐弓舞干遠人來格  
二祖鴻功衍之無極



皇明館課經世宏辭續集卷之十二

太原 王錫爵 元馭父 續補

秣陵 焦 竑 弱侯父 叅訂

邑子 陸登之 瀛鴉父 纂輯

繡谷 周曰校 應賢父 督刊

賦集

龍馬賦 有序 永樂十八年館寅菴羅汝敬 侍郎李士

永樂十八年青之諸城產龍馬其鱗甲龍也其鬣鬣亦龍也

其文臆頰尾形色彩步趨意態又皆龍也奇哉瑞乎邑之

耄耆異而告於其長以獻闕庭臣謹按史冊云龍隨方而至

所以彰明君德表應太平今龍馬產東方土色蒼而青聖德

所致固可見矣矧夫大禹成治功而神馬呈義皇宣人文而

胡祭酒 許若思公 描寫 神駿 如龍 城寧 王畫 滾塵 蓄風



鬣霧  
信如

駮周官  
曰馬七  
尺為駮

坡公賦  
韓生画  
馬真是  
馬蘊子  
作詩如  
見画誦  
此賦盖  
不待見  
再也

韓幹唐  
人善画  
馬者

奇氣  
勃發

馬圖出今 皇上為兆民開萬世太平之基以建北京而  
龍馬適見感召之機豈偶然哉臣汝敬職司紀述不勝欣忭  
之至謹拜首稽首而獻賦曰

有神物兮叶坤之貞符乾之靈含秀月窟播品東溟繫駮牝兮  
毓質實蒼龍兮降精方其震雷倏爍風雨晦冥房星駮兮移次  
川后翕兮效禎匪渥洼之異產信滎河兮同徵有耆者氓載盱  
載偵爰告于邑爰陳于庭于時天開黃道雲駐霓旌聖皇穆兮  
當宁百辟儼兮盈廷諸福畢至奇祥皆呈乃瞻乃顧乃陟乃登  
竝騶虞兮同列翊瑞象兮偕行旅玉獅兮為友耦祥麟兮作朋  
恍矜已之遭遇仰金鋪兮長鳴肉駿環鬪兮玉甲晶熒首昂渴  
烏兮尾掉長鯨蘭筋權奇兮鳳臆驍騰鬪兮蚪伏兮動則雲興  
榮河洛之文背絢麟鬪兮縷膺耳批竹兮錐卓蹄踏鐵兮風輕

五彩燁兮霞綺隅目睽兮長庚澄匹練兮雪花凝混驪珠兮流  
霞頰元氣氤氲兮瑞霜蒸雄姿傲儻兮馴不驚朝飽玉山兮珍  
粒夕飲太液兮清泠神速赤墀光涵綉楹方臯曾不能以得其  
彷彿韓幹安能以貌其形容爾時聖皇駕天之祐宅是兆京禮  
玉帛兮交錯將園丘兮告成爾乃載駱法駕七就繁纓寶勒銜  
玉錦鞵棲璫躡浮雲兮御天巡六位兮時乘彰聖德兮合清寧  
兆萬世兮昭文明臣乃載拜手稽首而復為之詩曰龍馬兮翩  
翩神變化兮合自然雲為黃屋兮風為軒熊羆夔臯兮相後先  
奉時巡兮周八埏永樂昇平萬萬年

皇明宣統元年...



王學士  
魏野公

許  
筆陣  
挽天  
河文  
芒射  
星斗  
真彩  
筆也

景雲賦有序

嘉靖戊戌館作

維中嚴

嵩少師

聖天子即位十有七載明飭庶治協和兆民既正郊祀既崇  
廟祀迺稽古禮發綸音尊嚴父以配帝開明堂而大享歲在  
戊戌月惟季秋百物告成報禮斯舉先三日己丑日正午天  
宇澄霽有五色雲氣抱日光采絢爛熠燿如綺臣民瞻呼久  
之不息考諸載籍若烟非烟若雲非雲郁郁紛紛蕭索輪囷  
是謂卿雲亦曰景雲此嘉氣也太平之應援神契曰天子孝  
則景雲出遊信斯言也允符今日之徵况自虞廷歌嚴官紀  
不述者閱三千年於茲矣恭惟聖上夙秉純孝肇興曠儀  
方當厄事之期即協天心之豫明德達於惟馨靈符昭乎有  
象式美虞黃之化維新河洛之章臣嵩忝備禮官恭承盛事  
謹撰景雲賦一首奉紀殊祥竊附於古詩人頌德陳事之義



賦曰

於明后之御天兮。儼穹窿而下親。昭景以垂象兮。光雲煜郁而  
 紛纒。初網緼其射采兮。候蓬勃以景煥。恍騰龍以擢形兮。若翔  
 鸞之擣翰。既霏廓而氛澄兮。亦蔚而柯散。俄捧日以昭回兮。  
 歟。繞空而粲爛。非煙霧而易類兮。苞五色而融成。映臺觀而掩  
 鬱兮。獨光絢乎紫庭。眾叩首以駭目兮。感熙事之無前。載閱墳  
 籍。其何祥兮。乃孝德純至而格天。玉燭輝燦以磅礴兮。光華亘  
 乎九埏。彰聖化之洪龐兮。昭文命於萬年。惟郊祀暨廟享兮。秩  
 百禮而率舉。往明堂之未備兮。聖心鬱而未遂。物阜成而昌報  
 兮。荷生成其孰主。皇考淵德以啓聖兮。上巍巍而為伍。蓋我將  
 而我享兮。父昊天其來子。爰卜吉而告虔兮。神彷彿而延佇。條  
 嘉悅以生色兮。舒雲章而為祥。默無言而示兆兮。旌帝德之輝

五花  
散作  
雲滿  
身

到全  
便

悠雅  
絕俗  
一唱  
三嘆  
有餘  
音鳥

光昔帝堯之沉璧兮。感斯瑞之昭格。虞陳祐以作歌兮。實榮光  
 之四塞。黃合宮之初構兮。亦發祥而彰德。猗我后之聖神兮。軼  
 遐軌于百王。聿崇禮之肇稱兮。紛來籍乎殊祥。粵昔章帝園丘  
 兮。垂寶露之穰穰。何先後之一揆兮。信感通之不爽也。歌曰。倬  
 彼景雲龍之翔兮。熒煌煌爛天章兮。天心寵嘉聖者備兮。聖  
 德廣運望如雲兮。臨照四方光八表兮。於萬斯年旦復旦兮。



豐大史  
南陽公  
評

莊重  
整齊  
停雅  
有風  
致至  
摹寫  
白兔  
殊有  
生手  
妙手

白兔賦

有序

嘉靖癸未閣試

維東姚

涑

侍讀學士

臣竊惟德協於治治協於瑞遂古以來蓋莫不然赤文之錄  
 堯也昭華之琯舜也白狼之鉤湯也丹鳥之穀武也疇德之  
 符有足徵焉後世德薄化漓其不能繼無惑也惟我皇上道  
 貫三才智周萬物孜孜為治化浹邦家是以一紀之間河清  
 甘露靈鵲之類史不絕書疊貺駢祥獨駕古昔屬者西蜀憲  
 臣獲白兔以貢于闕下較諸他瑞尤為異常自非天無藏寶  
 地無隱祥何以有此夫有至德者必有至治有至治者必有  
 至瑞諒哉斯兔之為符也臣瞻依日月鼓舞鳶魚待罪文署  
 所忭萬倍是用作為歌賦以光讚聖德蓋不獨使淵雲諸臣  
 得專藝於漢世也謹獻瑞兔賦一篇上塵睿覽

赫皇明之昌曆啓聖人而馭宇紹皇王之丕圖振陰陽之宏紀



此上皆頌  
聖德

此下方  
及白兔  
何并有  
序

形容  
白兔  
右寫  
丹青

象三光以垂照順五行以立軌熙鴻醇于昊軒匹休光于姚姒  
放勳襲其欽明早麓宗其豈弟仁恩衍而橫流義聲馳而遐靡  
煥采物以弘文遵彝常而崇禮洽玄德於幽明敷茂化於遠邇  
覽隆古以獨驚揚徽烈以齊美三靈協而胥慶百順祕而來禔  
或吐秘以表貺或孕奇而薦祉紛嘉禎之龕集兆至和之所委  
邈西蜀之上游蟠龍鬱而為固育異兔以馴伏匪川澤之能藏  
陋中山與東郭何凡品之足方羨冠倫之仁獸傳郡國以騰章  
疑皓輝於西陸披素彩於少商瞻紫淵兮融魄感玉衡兮流光  
昭明晰兮廟祀應單開兮歲陽毳如絲兮皎皎眸若珠兮皇  
璧月滿兮露潛箕風入兮桂芳物與時兮競爽望帝都兮開祥  
恭玄根以比壽飲元氣以為漿耀珍環於王母配純雉于越裳  
躍昇平之華囿儀清穆之朝堂映翠華於上苑棲朱草于中唐

此言瑞  
兔之占

此言  
皇情  
不自  
湍假

嗟彼魏之為族亦既繁而孔庶駭降質之特殊乃呈姿以托寓  
驗以瑞應之圖稽以古今之注采之里俗之謠訊之筮龜之喻  
往紀之所訛聞先朝之所未遇察金柔之有徵章皇風之廣馭  
庶事敏而惟康高年逸而有譽既丕振乎文英復遠戢乎兵戍  
占以類而相從嘉協氣之充裕臣工見而翔泳靈四域以同豫  
觀合契而應符信龍德之當天恒遜美而弗居厲皇情之乾乾  
存寅畏于索馭切兢惕于臨淵紛華陳而不御嗜好至而莫遷  
道既隆而愈恭精已勵而尤堅辨敵怠於儒籍審勞逸於農阡  
敦德業於久大氓聲臭之幽玄游高明兮浩浩履中正兮平平  
願升歌以頌禱從八風以相宣茂本支以百世孚景命于萬年

皇朝同治庚午...



聖宗伯  
昆湖公

評

臨雍  
景象

一覽  
在目

蓋詞  
與意

兼情  
與境

合者

摹寫如  
畫

天牖民之孔易寵

聖駕臨雍賦

嘉靖乙丑閣試

維楨許國

少師

君師於四方厥綏猷其惟后洽時夏而陳常於我

明之十葉戢干戈而矢德建首善自神京中四方而作則惟

聖皇之嗣服紹烈祖而崇文席久道之遺化徽五典而作新

既建極以敷錫復隆樹其風聲歲初元之丁卯月載紀乎王春

皇詠吉而釋奠應天地之文明於是宗伯草儀金吾除道青衿

望幸喜色相告

天子乃服皮弁乘玉輿駕翠虬駉文螭鏗和鸞之鳴樹日月之

旂虎賁後翼龍驤前驅都民擁道而夾觀紛總總其承輝司成

悉率六館髦士公卿世胄遠夷侍子舉踵喁喁望風迎拜聆

警蹕之嚴聲睇焚離之華蓋從簪笏以周旋間俎豆而萃絳烝



非目擊門之盛不能至此

承皇皇濟々。踰踰北面肅揖祇謁。素王戟門動色。芹藻荐芳。  
 霓旌羽葆容與登堂。五更三老饋珍醕。觴博士橫經。鱗次鴈行。  
 天顏穆穆。衿珮鏘々。燦如星麗。煦若春暘。於論鼓鐘於樂宮墻。  
 環橋門而觀聽者以億萬計。莫不舉手加額祝。  
 皇壽以無疆。猗與休哉。皆在三五重道崇儒。粵我  
 祖宗文教。緝熙忻曠典之復觀。見從官之威儀。章縫增氣自  
 上作之。作舞敬應。風行化馳。始自畿甸。達于華夷。朱崖鐵勒。負  
 笈如歸。譬彼設的。射者兢趨。卑漢帝與唐宗。空拜老而增舍。猗  
 壁水之蕩蕩。照鸞旂之于邁。俊入咸造。謨訓適新。僉曰休哉。  
 天子作人。鉅禮告竣。  
 綸音申勵。六龍旋軫。千騎迴旆。遵  
 禮道以言復。

音律 鏗鉤 詞致 斐聲

垂衣裳而致治。迄四時之絃誦。鬱五雲之佳氣。家禮樂而戶詩。  
 書。挾煙霞而偃烽燧。抽毫作賦。光于世世。亂曰。壁流縈迴。環宮  
 墻兮。棫樸敷文育羣良兮。  
 翠華莅止。師道光兮。肅雍展謁。  
 黃幄張兮。  
 聖有謨訓。炳琳琅兮。昭回雲漢。為天章兮。青衿咸奮。佩無忘兮。  
 載戢載櫜。察肆陳常兮。沛然  
 德教軼陶唐兮。



日方升賦

肩吾沈一貫

少宰學士

李閣師  
石麓公  
評他作惟  
賦日爾  
此獨推  
明君德  
忠君可  
現

燐螢火  
燐也

繫大明之炳耀兮。旭三靈之輝煌。鬱儀始出於暘谷兮。噉其升  
乎扶桑。肅寅賓以瞻晞。昕兮洞真境而徜徉。晨雞彭羽而伊啞  
兮。金鳥奮翮而飛翔。命羲和其攬御兮。詔馳晷於東皇。夏九霄  
之寥廓兮。控六螭而天行。灞其咸池初浴。渤澥汪洋。晁々瞳々  
涼々湯々。恍龍窟金輪之湧出。儼鮫宮火燄之飄揚。少馬升駕  
于曲阿之次。駐蹕于層泉之旁。漸晨晞以瞳矓。覺曙靄之彌光  
望舒促列宿以避景。啓明率餘曜而收芒。玉衡隱約其低度。瑤  
華慘淡而含章。陋燭龍銜炬之餘輝。眇紫燎燐照之微茫。乃若  
登乎桑野之通衢。臨乎衡陽之雲房。益烜々而赫々。愈暉々而  
煌々。乾坤為之開朗。宇宙為之揮揚。山岳錦覆而增輝。草木衣  
被而沾光。炎帝鞭景以驅馳。祝融捧馭而助勦。浩浩淅淅其勢



日君象  
也以日  
比君而  
諷諭處  
具見忠  
悃

方長而不可遏也。爍爍奕奕，其威方熾而莫敢當也。凜兮若后羿挽強而方張，沛兮若神禹疏九河而始決其旁。魯陽何暇于揮戈，夸父徒倚而徬徨。吁嗟乎彼日之方升兮，有類乎君德之方剛。當春秋之鼎盛兮，淬

睿慮而精強。應穹昊以踐祚兮，繼大明而普燁乎萬方。初出震以御宇兮，炳重離而臨八荒。效彼蒼而秉陽德兮，乃奮然獨攬乎乾綱。載道德以為之車兮，執禮義而為之翼。翼翼乎緝熙而婉美，周文兮駸駸乎聖敬。而日躋殷商，廣四目四聰，追重華之文明兮，何祲氣之能妨。斥讒諂，嬖佞若翳霾之銷太陽兮，何暈珥之足傷。仁育若春暉之燠品彙兮，義正若秋暘之曝冰霜。禮樂備而天地官兮，治化隆而經緯彰。光四表以格上下兮，炳六符而奠玄黃。二氣和調兮，若雨若暘。百穀旅登兮，多稌多秬。麒麟

影方升  
意精細

負暄游苑兮，威鳳朝陽而踟蹰。臻大道于栗陸兮，登至治于炎黃。茲

君德之發軔兮，在謨謀乎巖廊。如天步之伊始兮，厥有賴于明光。象大明之初昇兮，正未艾而不可量。許曰：瞻彼日兮，方熾方

昌肆

君德兮，彌進彌威。日之升兮，天舒祥。

君繼照兮，際明良宗社鞏固兮，如陵如岡。宜民宜人兮，俾壽俾康。稟天道之與

君德兮，亘萬古如一日而並照無疆。



日方升賦

洪陽張位

文淵閣大學士

望舒月也啓明星也  
扶桑岬谷俱見淮南子

上天之載陰陽相推一元樞紐萬象昭回杳旭卉而英爽順晷  
度以往來彼晝夜之代謝若循環而迭催惟夫滅宿澄霞登光  
露暉望舒既匿啟明向微雞咽喔而必節鐘闌隱而依稀魏闕  
漏聲已催鄉曉之箭金門曙色甫辨入朝之衣于時晦昧盡斂  
靈躡正東瑩瑩熒熒瞳瞳朧朧緊運行而出震忽高懸以麗空  
望之儼然爰在扶桑之上即之可愛乃由岬谷之中越彼海嶠  
升此層霄金鳥呈魄白駒強趨離曜涵輝而未普羲和弭節而  
方昭杲矣朝陽共覩三觀之近旭然始旦奚誇一舍之遙翁赫  
洵霍熠爍旁煌容光畢照輿屏咸彰驅浮雲而散彩遵黃道以  
相羊擬諸形容如銅槃之出櫝窺其景耀若寶鏡之颺光連珠  
翁絕合璧靈瑩進進未已遲遲上征挹如飴之湛露報御苑之



夸父逐日者也 小兒疑日之遠與近以質諸仲尼者也

新晴揚光熹微雖未極萬方之照春和爛朗已先增三殿之明  
爾乃臨仙掌映龍樓搖雉尾下螭頭祥光澹蕩瑞靄凝浮射綺  
疏而麗萬戶浸瑤階而曛九旂黃屋騰輝煖氣聿飄乎武帳赤  
城生白炎光漸徧于皇州况夫曉風披拂積霾清夷璇空朗象  
淑景輕移炫堯天之化育壯漢官之威儀載馳載驅嘗嘆夸父  
之走或遠或近奚庸小兒之疑惟時后牧就列夔离司宸傾葵  
麗采燦榆承輪睹溥天之杳瞭仰明德之維新如日之升咸仰  
皇輿之大就之如日共欽  
君表之仁善祥集景福同撫乾運憂日中納重輪之上瑞謝豐  
節之頽風惜寸陰而四表咸格勤日晏而覆盆畢融小臣作賦  
敢罄丹衷願與日以同久歷萬禩而無窮

日方升賦

虹臺沈 位 編修

按桃都 有天神 鳴則群 雞皆鳴 而日始 升

觀夫太陽之為照舒佳氣於扶桑既躡踞以瞳瞳復光熒而蒼  
蒼方側景於昧爽尚黝瞭而無光俄火馭之乍臨忽登曦於四  
方勢湧躍而直上出溟渤而騰裝驕馬不足以踰其疾燦金不  
足以擬其光於是東方啓明司燿委燎朝露未晞輕霞來繞羲  
和登御耀靄呈杲仙掌纔臨漢宮初曉射金榜以輝煌映銀題  
而縹渺朦朧開永夜之光焜耀臨幽齋之表天雞布濊于雲衢  
赤鳥奮飛于黃道雖未大明于中天蓋已漸離于海嶠爾乃觀  
之者心驚望之者心冲擊壤感而作歌生眇訝其聞鐘遠揚輝  
乎區寓近掩映乎房櫳燭火望明而自息露葵覩影而舒紅百  
鶴向之而爭笑五芝縈之而暗叢喈喈鳴於文鳳鶴鶴燦於銅  
龍赤羽乍臨而增麗長欄始旭而開蒙陰霧必見現而聿消寒



氛以帶影而成虹氣曠暝而下燭又繽紛而飛空駕白駒于地  
上泛金鏡于霄中當是時也淑氣晴曛瑞景朝闢幽堂奧秘而  
陸離複道重深而烜赫勢方升而未已非既中之必矣魯陽無  
所庸其戈夸父不繫而常赫故其炫耀也若大人離照之精明  
其舒長也又似有室大競而方振蓋日者人君之象君者法天  
之名易稱自昭書贊克明堯以光被而神聖舜以重華而守盈  
吾將歌天保以上祝誦盤銘之又新

曲終奏雅

雝肅殿賦

茂仁沈自邠脩撰

張閣師鳳磐公評粧樓翠幌舞閣金鋪賦之麗而有則者

我皇上躬神聖之至德撫盈成之丕基釀化曼衍荒憬清夷儼垂  
裳於九五躋四海於雍熙猶且惕然靡寧穆乎思危乃有秘殿  
屹兮崔嵬配紫薇而輔翼隆閣圍之宸居雲霞高護乎飛棟日  
月絕經於兩楹玉葉競秀井運倒垂隆岫吻而千霄赫熠燿而  
承曦若其朱軒宏敞綉拱參差左平右城阿閣重階黃金燁輝  
乎璧璫文石設砌乎漁匪高居而深拱爰緬想而興懷入璇  
房之窈窕時恭默而心齊倪仰千載古人與偕爾乃錫雍肅之  
嘉名憲緝熙之往聖依玉陛以交輝揭金書而朗應於維文王  
實基周命在宮在廟不以幽顯易心亦保亦臨不以隱微惰行  
顯西土而光四方啟洪圖而膺新慶故奕並載其休聲而詩人



見於歌咏。惟璇題赫矣。其高標故往迹昭然。而可鏡於是我皇覽大義。繹前聞。既觸目而惕。表思媿美乎周文。起居惟時。收神于獨覽。瞬息有養。絕嗜慾之紕。秉精禋于一念。昭明德之必芬。孜孜乎合夙夜。而匪懈。何待乎執圭璧與玄纁。庶對揚乎祖考。奚晏安之足云。若乃

大雅  
不岸

萬幾之暇。心閑神定。御茲殿之崇深。爰游心於清淨。時旁覽乎奏章。或尚維乎庶政。處宥密之中。而不敢少康。當清燕之時。而所作惟敬。運大寶而無為。守大中而至正。想夫玉輅臨止。秘閣差絳。撫五絃之琴。奏南風之歌。如春陽之照物。如大道之無頗。左圖右史。博稽古今之籍。仰觀俯察。心諧天地之和。至若隱几而思。兢業上業。防侈汰之或生。保基圖之煒燁。雖廣廈細旃之日處。乃艱難之在連。

王安道  
華山圖  
天外三  
峰高奇  
曠奧之  
勝盡矣

慕隆由和敬之允協茲

皇德之同符。貽芳規于後葉。於都乎千百世之心源。恍一堂之相接。固已陋未央之侈靡。嗤長楊之游獵。而猶師戶牖之銘嚴。時幾之敕命。元輔以作箴。敞御屏之左側。以為敬不可忘。和不可極。陳之座右。豈山明水秀之形容。置之目前。盡致治保邦之彝則。由是至治臻太和。塞八表安瀾。六服承德。含舖鼓腹。興擊壤之謠。物阜時康。並華胥之國。過郊廓之卜年。歷萬世而垂式。惟茲殿之宮堯配。皇祚于千億。



郊禋賦

萬曆癸未館試

汝光鄒德溥

周館師  
敬審公  
評

沉詞  
郁思  
力追  
楊馬

字字  
珠玉

伊方儀之博厚兮。統元形而承天。苞萬彙以函載兮。德上配乎重玄。維曜靈纏于陸南兮。伯趙呼景風其應。序帝將乘離而大報兮。駕之方澤乎奠秬。於是使馮相歷日兮。司樂宿懸奉常傳戒兮。掌次張瓊秩宗條頌祇之書兮。太宰總揚職之警。邕人共玉鬯之飾兮。司膳奉繭栗之省。帝服皮弁而誓戒兮。又藝蘭芳以發咨。穆然淨齋心于宿設兮。儼若瞻乎柔祇。詔飛廉使清塵兮。勅豐隆以灑道。前望舒而後鈞陳兮。益之以蚩尤其秉燾。司塗泥埽以新衢兮。田燭耀而如星。雞人呼晨以叫百官兮。巾車應而鳴鈴於是升金軒兮。撫天僕揚六鑿兮。齊八駮璇蓋攀麗以雲浮兮。大常膠臘以電燭。扈帶鮫函兮。芻藪六軍袍服兮。駮行重英曲瑤翕以赫兮。雲罕激權火而納光。騎轟騰而駢隱兮。

皇明詩經集卷之十二則類



澤思聯  
翻現語  
橫溢

夫何馭遺風而追電也。倏宵霍而狂泰圻兮。百靈蓋况榮兮。狩  
奠也。帝乃服大裘之雪煜兮。秉鎮圭而如境。握鸞刀以啓觥兮。  
奠黃琮以為儀。犢與繒進。象色兮。圭兩邱以從數。奏太簇而  
歌應鍾兮。又綴以咸池之舞。琴瑟材之以空桑兮。管孫竹而鼓  
靈鼗。藁秸蒲以藉席兮。薦菹醢以陶匏。朝踐酌泛齊于瓦甒兮。  
宗伯攝而獻醴。饋食申之以盞齊兮。又亞以匏爵之醴。次泛與  
醴其更獻兮。歷沈齊而七之樂。續紛其迭奏兮。恍焄蒿乎在茲。  
洪臺嶠其獨隆兮。瓏交疏而金耀。鵠翔虛以迷影兮。忽不知其  
酷肖。折薜荔以為脯兮。羅杜蘅以為粢。紛吾既備此芬芳兮。泣  
瘞瑄而薦犧。召天孫于石閭兮。呼海若乎巨壑。起天吳與陽侯。  
兮。槩雲陽而徧索。曰爾膚功之在民兮。罄埏垓而胥懷。予既奄  
有此廣輪兮。茲用修報乎瘞埋。眺濮鈞而盼祀粟兮。延佇乎邠

自是  
新警

絕妙  
好詞

善摹  
寫

國與泰遠。庶搏。總。以來設。查。鑒。予心之繾綣。于是地垠開  
兮。揚景輝來八極兮。臨方廓。飲明水之清泠兮。嘗黝牲之膂肥。  
祝融穆而肅侍兮。恍若萬仞龍從。而干雲靈胥澹以中停兮。又  
似乎重溟激豔而沃日石麟。天矯兮。團翠煙而率舞。絺鳳雖皆  
兮。依清風而和律。瑞蜿蜒于越席兮。祥光耀乎金根。既薦衷而  
畢事兮。乃斂昭華而迴軒。案既成兮。神具佑。羣鶴雷兮。獲異獸  
雲。靈贖兮。雨滂沱。懋百福兮。錫萬壽。亂曰。我。方立。隱崑崙兮。  
肇裡嚴祀。萬乘屯兮。衝牙錚鎗。泛大罇兮。聖心穆。嚴邃密兮。  
樂奏八閩。地祇出兮。神光剡。福祿植兮。繼。繩。千萬億兮。

皇明官果讀集



述志賦 萬曆己丑閏試

周望陶望齡 採花編脩

許閣帥 穎陽公 評 精采煥 發才調 悠揚珍 玩再三 不忍釋 手

吳機 蜀錦 有緒

維東陽之奧閭兮。曰無餘之舊都。紆川巖之清淑兮。翳靈哲之所廬。溯余系之云邈兮。玄胄紹于陶唐。美厥土而安宅兮。肇德里而允臧。伊余躬之孔辰兮。值先烈其猶未墜。嗟荏弱之瞽惑兮。愴顛之而鮮惠。踰跬迹而已却兮。望敦丘而猶躡器與時而多遲兮。材繼志而弗信。雖矜容而好飾兮。終歷齒而齟唇。長不譽于州部兮。幼鮮聞于鄉曲。託微寄于縑緗兮。傲卑棲而自局。發蒼水之閔藏兮。歷羸皇之遺蹟。要闡史于崇椒兮。問幽人于湖曲。儻憑噫而起蹕兮。覽皇運之休嘉。爰布著而假筮兮。曰利賓乎王家。竦脩鈇以倣裝兮。紛長佩之嗟。遵天衢而遠蹶兮。去下里之喧洶。翺飛之弱翰兮。星彌天乎網羅。鐘鏗鏘而駢禽兮。軒儉紛乎寵鶴。麇麇係于車箱兮。遂踉蹌而高躍。魂征營



隨至雲  
擁勢不  
可過

此述壽  
王相如  
張禹三  
子皆非  
其志

而恟恍兮。聊撫心而戢志。維承明之峻密兮。列椒蘭以為植。奉  
大雅之惇誨兮。振華纓而未旣。翱翔白玉之館兮。倬宿青綺之  
被。花茸々而鎖院兮。草葉々而為臺。凌玉清而溯紫虛兮。况方  
丈之與蓬萊。睠恩重而身輕兮。若據鰲而虞抃。將沈處而浮居  
兮。非余心之所善。羣朱儒以爭飽兮。入金門而逃世。倜儻笑而  
驚進兮。競周容之泄々。雖依隱而諳諫兮。信流風之云翳。吾丘  
興于格五兮。終又媚之以長纓。馬工文而鉅麗兮。羌長慙而勸  
淫。禹橫經而作師兮。紛彬々于鞶帨。辟數子于大道兮。何異于  
甌。棲之瞽蒺。抱前脩之遺則兮。求賢聖之所經。汨余懷之靡及  
兮。耿申旦而未寧。聊假寐而宴息兮。發六候于精誠。洵浮虛之  
為疾兮。余夢適于羽民之國。忽衝飈來余御兮。八垂天之健翼。  
歷星辰而上。揆兮。屆太乙之所處。命罕車以為載兮。教客評而

千煉成  
句百煉  
成字

蟬蛻常  
調驥送  
逸思

揖予閭道。寧以難究兮。關梁萃其可度。涉五潢而止舍兮。九  
續以先路。蹈天苑之闊曠兮。倚旄頭而遙矚。憤貪狼之慄狡兮。  
夫何封豕之咆勃。吾令白虎主伐兮。鞭列缺以舉燧。慮豐隆之  
我欺兮。逗壘壁而左次。揮天桴兮。擊河鼓。威弧奮兮。玄戈孔武。  
欲往徂兮。余無馬。時甚良兮。日吉。余將遊兮。營之室。乘雲兮。高  
驥觀八穀兮。駝天倉。信匏瓜之不食兮。何牽牛之服箱。心侘傺  
而弗舒兮。逢巫咸之來謁。指閭闔其非遙兮。靈瑣開而未閉。時  
冉々而易邁兮。羌何為兮。陸沉。匪帝闈之我禦兮。紫宮蓋媮媚  
紆鬱而嚴深。眇開陽而少憇兮。聞嘈々之廣樂。方趨趨而欲進  
兮。忽魂開而形柘。整容儀以惟憶兮。診噩夢而狐疑。聞達人之  
大覺兮。願順風而占之。曰道無畛兮。物有方。小不可與謀大兮。  
短不可與汲長。彼倂人之極。昔兮。奚足以睇乎。喬嶽。騫鯤鵬而



揚推得  
冥空清  
響奪天

遊徙兮。詎僉謀于蜩鷲。昔放勳之峻烈兮。巢乃訾其弗清。維貞  
觀之旁薄兮。杞憒之而憂傾。固小夫之猖隘兮。塞多懷而好誹。  
彼大道之孔夷兮。乃偶時而委已。棲澹泊以為廬兮。遊逍遙以  
為庭。繚貞固之修櫬兮。抗仁義之華薨。仰塊軋以陶化兮。固于  
何而不有所貴哲人之純德兮。亦損美而去醜。蘭翳芳于幽崖  
兮。亮駢滋乎蕭艾。玄駒敖于封丘兮。齊旄象而稱大。羶匪慕以  
競時兮。膏匪焚而邀害。不近名以立辟兮。固賢聖之所佩重。曰  
撫躬迪訓。心所躋兮。維德之宅。勿弛靡兮。外通常足。內壺之兮。  
脩身繕性。事君子兮。委命勿二。惟所使兮。

述志賦 萬曆己丑閏試

昭素黃輝 庶古七編

王閣師  
對南公

醲郁  
沉浸  
蓋得  
之于  
博洽  
者

夫何泰始之龐昧兮。遂革化而至今。世滔之其相勝兮。及頽波  
之汨滂。邈來茲其焉往兮。撫昔之而不任。嗟上下古今之無窮  
兮。予在四之中央。老冉之而待人兮。懷鬱之而委更。憶在齧而  
若昨兮。觸陳械而慨慨。何休貞之艱違兮。眈屯否其牙傾。古之  
人兮。皆安如今。亶山川盤錯而無恙。試登臨兮。金臺聊騁望兮。  
崔嵬藹積霖兮。乍豁。劃涼飈兮。徐來。鳴蜩抱葉兮。鴻鴈爭飛。林  
瑟之。以甫敦兮。露湛之。而為璣。四畧廓而無倚兮。中悵悵而若  
遺。氣紆軫而不舒兮。長太息以掩涕。望八極甚芒芒兮。哀民萌  
之勤瘁。且閔之。以明農兮。矧穡夫之望歲。遐水旱之孔仍兮。室  
縣磬而此離。應龍女魁狎為政兮。雖堯湯其柰何。羌量迹以咨  
責兮。曾不敢乎自貫。曰四海皆予身兮。惧庶微之易訛。昔軒后



驅濤湧  
與拔地  
倚天昔  
人謂二  
京三都  
可為五  
絳鼓吹  
予于昭  
素亦云

之純粹兮。猶蚩尤之七十戰也。犬羊不可與群兮。宜喬土之是  
竄也。惟猾夏以千紀兮。匪大刑之所貫也。誠服享其不足喜兮。  
恐生心而重患也。彼有周之宣后兮。赫然中興。姜躬躬而脫簪  
兮。文鳩申之。以善淫。燁車攻之復古兮。忽姜戎訐而敗成。惟宴  
安之不可懷兮。自古難其有終。儼內憂之多方兮。何外患之足  
懲。感盛衰于凜秋兮。陰氣壯而攻膺。獨怵憚而誰語兮。焉决昧  
而舒情。將曠然以輕奉兮。遠遊觀乎九阰。考元吉於文君兮。簡  
良辰而俶瘳。陽未之。以鑒形兮。風飄之。而應璫。御太極以為輿  
兮。聊翻校于陰陽。二紀奚其凌背兮。五緯越而壽張。嶽靈川后  
驕蹇而失眈兮。酒星淋醕而披猖。箕畢撒悃而失好兮。八穀耗  
威而亡精。貫索纏以糾紛兮。七公却而自藏。旄彛奚為主胡兮。  
恣街北以弄兵。安用太白之桓兮。兮。不蝕月以揚光。天駟靡之。

搜奇抉  
勝覽珠  
瑛錯落  
毫楮間

而蹇步兮。煩轡策於王良。泗何為而淪鼎兮。使弗若雜人而晝  
行。景瑞翳之。其何所兮。妖第凌厲而縱橫。鞠億兆其顛頓兮。豈  
司命之所慶。試靈脩以代對兮。進退谷而詞窮。九閔我之不可  
徑造兮。虎豹信之。而肆抗。徒幅憶以衝頤兮。雖畢詞以誰聽。攬  
修轡以迷津兮。顛率縣而慄慄。慨含歎而增愁兮。怒旦飢而復  
噎。曲昭質以自鏡兮。恐流光之見迫。聞至言之放惠兮。異仙夫  
之可偕。襲氣母于中夜兮。豁氛穢之孔蠲。召巫咸使采藥兮。玉  
英燦而陸離。收至精于澹泊兮。靈根固而不衰。匪年歲之足貪  
兮。將永從予之所謀。重曰。練予真兮。首清路。蹟先民兮。烟自願。  
遵夷軌。其虞蹶兮。何儻徑之足步。芬響象之偶然兮。非聖哲之  
預慮。省譽殃而自勅兮。炳醇和而中固。亘宇宙以獨存兮。宵得  
喪其奚與。庶長轡之不頗兮。幸無垂於斯慕。



日重光賦

昭素黃輝

編脩

天無二日。瑞有重光。鬱赤文兮內溢。赭丹霞兮外颺。儷醇精而  
 圓抱。屬盛魄以旁張。眷一體之分氣。遂合彩而為章。彬璘兮鬱  
 儀。媿映掩抑兮義和。麗祥旦。重華差足徵于俊帝。離々兩作  
 良有取于庖皇。爾其露幄晨疏。星繩漏轉。隱瑤圃兮乍還。出金  
 門兮甫鍊。烏連嬉以聳谷。龍扶光而服纏。雖若盤以涼々。已輔  
 規而電々。逮乎温源謝浴。典阿騰晞。羣陰吞靄。積陽吐霏。散方  
 宮之淑景。習圓羅以曾暉。選十輝之回惑。薄三素以希微。若乃  
 晷側衡陽。圭准昆吾。中崇蓋而交景。屬利眼以分矚。何兩珥之  
 足擬。即四瑩其猶殊。紛綸兮匪衆。榛之繞轂。煒燁兮寧群。焰之  
 隨珠。于是黃道揚旌。赤燦安轡。偶豐明以再中。繼離照而不易。  
 氣獨藐乎丹甌。精悅承于火燧。三千里之圍徑。蔭貫連環十六



所之周驅文。弥决驥原夫。陽宗積耀。天統合貞。惟陽也。故寔而善滿。惟滿也。故仁以生明。月鏡猶資其代照。星芒亦賴以繁生。即尔重光之外廓。弥知純體之內盈。故其精々似青翼。々似黑煌。々赤縞。光无定色。雖首列于三精。寔演華于太極。矧化国号舒陰。郁丙明号偏得于斯時也。穷棄霞錯。細柳烟銷。上合湯泉。可失沃焦。百昌仰蕙。八表蒙照。弥氣之白虹。望形潜匿。土精之黃爵。應兆飄飄。雖復桂闕輪重。榆驪珠繁。蕭丘千成。龍燭万重。吳羽然郊。楚萍沸水。无異山熠燿。以矜幽城。燿燿而續晷。曾光晶之靡倫。何奇復之足理。盖聞南面維離。東朝象日。光少為適。光重為隲。史以太平而紀宣。傳謂明王之見吉。壘旦則高閣頌具。琴藻則陸机演。悉彼宗祀之献壽。徒導欲乎乾封。繫水平之歌德。六宏度其未逢。孰与明々之盛世。行瞻杲々之

儲室。甘淵叶夢于姬訾。銀榜懸瑞于岱宗。苟濯髮晞身。幸可墮于玉檻。孰不葵傾藿向。企錫羨乎銅龍。



日重光賦

子正馮有經 編脩

伊曜靈之騰烈。燭萬類而無垠。體乾文以迅運。揭離火以文明。  
炳燭龍之爍灼。奮跋烏之威神。倬元聖而緯天。標異質以示珍。  
時也寰宇廓清。景氣澄霽。晨光發其熹微。長空歛其纖翳。浴咸  
池於天末。拂若木於海裔。蔚圓規以成章。抱重光之綺麗。煥義  
車以轉妍。映彤庭而逾媚。爾乃聚焰成珠。攢創成輪。霍曠閃爍。  
宣朗璘珣。上烘煌以布景。下斐疊而兢文。熒光燭乎四表。輶輝  
達乎五雲。但覩其虛明內涵。光華外映。一體雙形。同輝並瑩。既  
環外而若衛。亦居中而若孕。合小大以錯景。混表裏以揚光。焜  
煌煌其齊照。煒燁燁以俱翔。抱金輪而錯出。紛煥彩以搖芒。若  
乃臨紫宸而朗曜。輾碧落以遄征。郁瞳朧兮玉樹。晰璀璨兮金  
莖。發華葩而不定。若綺組之相成。爭離披而晃曠。疊陵亂而相



嬰聯遐邇。以明媚。知中外之晶熒。義和方弭節而眇目。雖朱之  
倘恍而喪精。炳矣璧連。鬱若珥抱。既搖彩於層楹。又旁燭乎奧  
室。盛魄贊于齊臣。声歌登于漢廟。絢五色之渥彩。俛九光之赤  
霞。清塵氛于海宇。滌烟靄乎王家。明通而幽滌。靡隱照臨而悠  
久。无涯。占神光之有宰。洵玄化之匪差。於是靈臺考徵。大史披  
策。稽禎祥于籙。而登休瑞于紀牒。僉曰日象大君。必表陽德。出  
震位以方融。歷離宮而炫色。允元良之真符。彰繼體之攸責。緣  
夫

聖人有子。大德格天。前星助曜于帝座。東君呈瑞于上玄。東燭  
海湄。西燦河源。南耀朱垠。北鑿幽荒。莫不驚明珠之兼燭。仰金  
鏡之重懸。彼垂異者。或駭眇于白虹。而降祲者。必蒿目于赤鳥。  
字似集六瑤之休禎。占十輝之嘉兆。允矣陋再中于漢文。同象

德于少昊。播誦声于管弦。流芳潤于辭藻者也。  
帝曰都哉。荷天之休。眷茲寵命。何德以酬。於是渙綸音。下明詔。  
建青宮。飾蒼較。隆鴻名。正徽號。延若英。講豫教。彰天心之与子。  
明一人之維肖。凡夫天所覆。而照莫不祝頌。歡呼欣忭。踴躍  
慶朱義之非昊。仰大明之繼照。臨萬戶以皆春。射千門而常曝。  
乃擊壤而為日重光之歌。歌曰天無二日兮。瑞有重光。運叶堯  
年兮。華符舜祥。重離出震兮。齊聖我皇。君有哲嗣兮。維民之慶。斯不尔登宏三五。媲美皇軒。固洪  
于有承。衍國祚于无疆者哉。重曰維日重華。光焰爛兮。輪囷抱  
載。雲霞燦兮。焜煇煜兮。靡不眇兮。鬱儀呈瑞。皇天眷兮。嚮明出  
治。曆維萬兮。燁々重離。時方旦兮。身依末光。在霄漢兮。曦陽是  
傾。葵藿願兮。







冠訓並  
垂

估服稱妖漢室乃傾一服之華若未過靡軌知禍殃鮮不職此  
皇王所戒不物不軌三服罷官著美惇史

右正服箴

為天下君職在養民匪以天下徒奉一人取民有制壤奠式陳  
貢獻無甄喪亂之因淫聲冶色使君聾瞶奇物異品竟亦何補  
却馬焚裘為事非鉅儉德著聞齊風堯禹

右罷獻箴

臣言廟君如批逆鱗大誅小斥何益於臣臣豈求益凡以益君  
君弗臣聽匪愚則昏從若轉圜是謂能改一事十諫庶無後悔  
聖惟堯舜芻蕘猶采拒諫遂非不敗奚待

右納誨箴

人心不同有如其面面則易知心實難見心之效邪陰運潛變

詞嚴  
義正

剴切

語晰初  
關

審之察之貴乎能斷秦斯豈訐唐杞非諛欺君誤國面是心殊  
此而弗辨家國淪胥知人則哲欽哉聖謨

右辨邪箴

春秋謹始大易知幾思患預防必防其微莽卒篡漢貂終危齊  
惟微弗防遂至噬臍不觀堅冰其初履霜滔天之水實始濫觴  
惡過無少雖小勿將積之久矣宗社覆亡

右謹微箴





六有箴

隆慶戊辰館試

肩吾沈一貫

少宰李士

藻績中不妨純白是其文者

余讀張子所謂言有教動有法書有為宵有得瞬有乔息有存  
 斯六言者以自省焉予媿哉久矣予靈之汨于物也乃有是箴  
 昔在上帝授于太靈既型既淬函之以形不虛鑄有神則疑  
 出鬼入帝吐清喻寧曰予之神為世作楨蚩者何乃肆憑凌  
 創以戈鋌穢以膾腥峻宇雕墻墜神于冰置山彌野輾神于乘  
 反道敗德以殘厥生亦有世儒或焉稍懲索之茫寄之怍  
 出入無鄉与物相櫻同歸若墜愁予紫庭吉人維何吐詞為經  
 神之聽之則莫敢不承吉人維何履約載繩采齊四夏和鸞鏘  
 鳴歲斯邁而月斯征終日乾寸陰是兢以迪宵寐以察以懲  
 候神出入雖夜必與勿謂無何維神孔明曾是一瞬云胡勿誠  
 勿謂無幾與化齊榮曾是一息而喪厥刑律中度繫外彪中弮

皇明詩經集卷之十二

廿九



圓此承  
淵巧同  
削錄

皇。宸居。恢。帝。紘。以。綏。厥。神。与。天。無。傾。神。往。無。扃。神。來。無。迎。  
衆。衛。森。嚴。遨。遊。太。清。伊。于。所。欣。翼。矜。進。隆。非。遙。左。實。與。名。  
故。曰。從。善。如。登。從。惡。如。崩。寂。兮。冥。兮。神。之。宅。清。兮。靜。兮。神。之。庭。  
小子不敏敢敬斯盟

王太傅  
荆石公  
評勒危  
序之炯  
明之進  
戒箴之  
憂盛之  
名言而  
詞采虎  
炳足烈  
掩鴻烈  
于往匠  
標現麗  
于來禩  
矣

政治保邦箴有序

萬曆丁丑館試

李海顧紹芳

右贊善兼編修

臣聞遠而不可測者天也。變而不可常者幾也。往而不可留者  
時也。蓋亂與治。尋禍與福。倚自古記之矣。在昔盛帝。顯王履泰  
山。四維之勢。而視若累。碁據苞桑。萬世之安。而惕若朝露。是故  
虞舜納戒于急荒。周成受訓于無逸。彼豈樂為是私。憂過計哉。  
以為未亂而治其亂。其亂可長。弭也。未危而保其危。其危可長。  
遠也。是所以保世滋大之術也。自後人主。長于深宮之中。平居  
闕于保傳之教。而一旦奄有先人之成業。臣妾億兆。遂以為子  
孫帝王。萬世不拔之基也。于是湛逸樂而忽艱難。玩細娛而忘大  
患。宗社之患。日滋月長。而不自覺悟。陵夷至于土崩瓦解。解乃始  
倉皇四顧。冀一日之小康。不可得矣。夫哲王以其私憂過計。成  
其終之無憂。庸主以其泰然不憂。而其憂遂至于不可揅。然則

月官果實集

四



特之一  
字極中  
執近世  
主之病

廟廊奎  
壁之章  
盛世輝  
煌之筆

致治保邦之道亦略可觀已方今我

皇上明德漸被海宇外至蠻夷戎狄靡不舉踵嚮風慕義治安  
之迹可謂千載一邁矣雖然愚者觀其形智者觀其理事固有  
傷于所恃者治不與亂期而亂至安不與危期而危至則恃之  
謂也彼虞舜周成豈其怠荒佚樂之徒以階亂釀禍者然伯益  
周公猶諄諄獻規而兩主斂容受之蓋先事而戒固哲王之令  
圖而六蓋臣之極慮也則夫審幾疑命以綿我

國家有道之長非

皇上今日之所當兢兢者哉臣不佞竊慕二臣之志欲本尚書  
周官之義為致治保邦箴以獻奠以瑩燭之微增輝日月此六  
瞽史之遺意耳其詞曰  
維天立君民牧是司假以靈爽享以純禧有赫在上胡君獨

陳後  
世弗  
戒之  
禍

母修重  
譯以下  
字字藥  
石真足  
當齋辰  
箴銘

私厥命靡常惟德之歸命集則昌命墜則危繫若干鈞判若一  
絲集之維何爰乘其時時過而謀卒莫可治如疾斯痼鍼灸奚  
追如水斯決葦蕭安施方燠念寒方飽念飢惟辟作威曷以異  
斯虞德休明急荒陳詞周成敬必無逸以規千古明聖合若墳  
箴道降世遷彼昏罔知時適小康湛沔以嬉納彼諂言諱聞嗟  
咨不降階序天命潛移泊乎發難噬臍徒悲煌煌殷鑒亦孔之  
垂疇其嗣興胡弗爾思於錄我

皇奕々英姿質稟齊聖學敦緝熙德漸羣生道洽九夷薄海內  
外穆如清颺俛仰百代實惟昌期惜時保終釋此何為母修重  
譯崇我明威母矜阜康恫我流離母謂業成平者易陂母謂學  
成素者易緇新以又新念茲在茲昭昭勿惰冥冥勿欺迓彼景  
命鞏我不基億萬斯年永永保之非惟保之又申命之昊天罔

皇月... 果賣... 卷之... 頁... 四四



極鼎祚配之小臣作箴以象朦師

8

昭仁殿箴

萬曆丁丑館試

用韞馮琦

諭德

于宗伯  
穀峰先伯  
評有

頓挫  
意極  
委婉  
發明  
仁德  
可獻  
彌辰

皇穹好生，眷此四方。爰求司牧，乃樹皇王。皇膺乾命，代焉子民。  
豈謂皇規，而不以仁。父母于子，載腹載育。何欲弗聚，何害弗去。  
於惟元后，曰民父母。皇之不仁，民將焉主。是以上聖，握乾宅心。  
慈仁豈悌，夙夜孜孜。綷惟民計，布休德於區中。流湛恩乎四裔，  
勿謂粟陳貫朽，而可恣吾奢。夫何忍以一人之欲，而匱萬姓之  
家。勿謂師武臣力，而可耀吾兵。夫何忍以一人之威，而傷萬姓之  
生。勿謂年富而聲色可適，一人之伐性。萬姓必因是而不得  
其理。勿謂智高而苛察可事，一人之用目。萬姓必因是而莫知  
所避。彼民我戴，命于我依。惠之不浸，民胡心歸。矧是元德，本我  
天和。拂民猶可，拂心謂何。昔在巨唐，其仁則天。一民饑曰：我遺  
之饑，一民寒曰：我授之寒。茅茨不剪，樸桶不斷。曰：惟以天下之

皇月官果賣集



數語闡  
晰仁德  
精瑩朗  
暢

引祖  
訓語  
切至

樂為樂朝咨四岳野問下民曰惟以天下之明為明當斯時也  
九族既睦萬邦咸雍仁德孔昭為君道宗我  
皇帝武萬國咸服欲大廓乎帝紘貴樹德于宏覆無曰匹夫莫  
予能地蒼蒸黎誰非赤子雖及跂蠕真宰則同一物失所心  
能無忡惟此生達於狂聖胡不完淳撫于有政無從欲而敗  
度無狎邪而遠正無貴異而賤用無長諛而擊諍財藏民以為  
富兵止戈以為強視重旒以為遠刑畫冠以為祥藹乎如春陽  
之煦蕩乎如乾輿之益植帝德于温渥廓皇澤于豐沛民懷茲  
以不離國基是以長泰昔我  
皇祖秉持仁厚曰我儀曼古以儀我後淳哉堯心錄惟  
皇鑑祖言載赫于何不監嗚呼暴不可逞仁不可忘暴勝仁  
者滅仁勝暴者昌華封三祝天道寔章與堯同行千億皇

宵衣箴

萬曆癸未閣試

嘉甫周應賓

編脩

余太史  
幼峰公  
評選  
至言  
真獻  
替託  
謨也

明明天子帝命是持大統克艱念茲在茲下民曷常或萃或離  
威靈震耀吳號風馳理如盤石亂如焚絲控馭百辟攬決萬幾  
坐昭郅屋招來四夷洞觀沈想曰惟宵衣宵衣者何勤思靡息  
易有鴻訓朝乾夕惕業兢兢哲后之則繫昔文王道如未覲  
怙冒久安尚存傷盡彼昏不知悖淫罔極日邇壬人復下漁色  
嗜殺若焦國量乎澤用茲戒慎惟懷永圖何以篤祐何以奠區  
何以謗讒何以睢干何以劾逆何以順趨百爾憂勞不敢寧居  
袞龍黼黻非以為娛中夜軫念攬衣定謨四海熙洽一念勤渠  
百千萬禩從之弗渝小臣敬聽敢告在符



宵衣箴

萬曆癸未閣試

振鷗寧中立

庶吉士

余閣師  
同麓公  
評

閑俊  
流暢  
步驟  
迴異  
足稱  
作家

皇皇大君。握符御寰。豈曰崇高。厥位惟艱。一日萬幾。匪君孰理。  
 倦勤甫萌。治功斯圯。相古哲后。弗憚厥勞。庭燎問夜。雞鳴視朝。  
 璇宮瓊宇。云胡不樂。寧思昧爽。而詢民瘼。酣歌恒舞。孰禁其躬。  
 寧為待旦。而亮天工。卓彼芳規。較若鵠的。晏安鴟毒。自貽伊戚。  
 曰勤曰急。有替有隆。明。我后其何適。從不見百辟。夙夜匪懈。  
 矧曰辟王。而弗自勵。不見小民。好樂無荒。矧曰民上。而可即康。  
 中夜惺。兢惕自勝。振衣以興。垂旒而聽。祖識地德。糾虔天刑。  
 宣序民事。潔奉粢盛。庶績其凝。德施斯普。於斯萬年。受天之祐。  
 受天之祐。適峻有聲。敢憑瞽御。以達玄黃。







坐秘殿  
而誦此  
箴必有  
觸目警  
心之助

有時而弗宣夫神器難持而君道易忒既攷古以鑒今亦朝兢而夕惕可以塞遠可以昭德小心翼翼終日乾乾若馭朽索若防决川夫然後民心孔固天眷彌延為能繼迪哲于四后而享國祚于萬年

張太史  
王陽公  
評詞極  
句切

陳之  
頓挫  
秘殿  
可為  
明聖  
著龜  
矣

擬無逸殿箴

萬曆丙戌館試

伯典全

天敘

天生烝民乃作君師統馭九有綏懷四夷恭已以臨百辟凝神而斷萬機瞻帝命之有赫諗泰運之難持維書寔言克艱厥后将保乂此邦家尚彌綸乎宇宙自古聖哲兢惕靡寧雖當食其未暇何闔澤之弗平肆彼昏庸愒淫固極置理道于不聞何憂患之能息繫茲秘殿匪崇燕遊命名無逸取鑒殷周顧小民之親稼穡尚殫力於田疇矧大君之御寰宇可懈志于皇猷講幄勤渠燕居寅畏勿以昭昭而飾勿以冥冥而廢禹絕夷狄恐滋濫觴濬百川而胼胝恒軫念於懷襄堯安茨土不治瓊室命四岳而咨詢每殷憂於巢窟豈漁騁意玩好移心粉黛伐性之斧鄭衛亡國之音卓然戒物累如探湯凜乎撫盈成如馭朽無以隱微而弛其防無以瞬息而疎其守蓋惟無逸乃能逸而不息

月宮果讀集



則可久勵爾志飭爾躬取法天行而罔替亦引天眷於無窮

勤政勸學箴有序萬曆已丑閣試

用孺區大相庶吉士檢

王閣師  
荆石公  
評

以勤政學本無逸心可謂厥要領矣

竊惟自昔三五之隆必先政學臣子之義職在箴規是以明良  
合而皋陶賜言敬義勝而冊書進戒故論政首憂勤論學尚惕  
勵何則純心者政學之本也以無逸之心立政政乃勤以無逸  
之心務學學乃勵歷稽哲王皆隆斯軌一日二日無曠惟精惟  
一允執政學之傳所從來矣盤孟著警戶牖勤戒箴銘之風抑  
又懋焉至於大寶丹宸宵衣無逸代有作者凡以邕鴻化而光  
主德也臣伏覩

皇上踐祚以來任賢求治孜孜宮府不怠重道崇儒矻矻寒暑  
靡輟蓋十有七載如一日其於政可謂勤而學可謂勵矣願理  
道廣博難窮也德業淵微難竟也矧夫政者難熙而易隳學者  
難進而易退苟一念逸則貽鮮終之誚一息逸則喪垂成之業

皇明官果續集



諄切  
懇至  
讀之  
令人  
悚息

臣乃推政學之原。究純心之義。爰制斯箴。備省覽焉。箴曰。哲  
王凝圖。統御萬方。揔攬威福。調劑紀綱。度天祗民。惟學與政。莫不  
以罔念者作狂。而克念者惟聖。繫惟乾行。自強不息。政學始終。  
不遑暇食。當思創守之艱。罔敢惰淫。之即惟無逸。乃有逸。雖不  
聞而亦式。何以立政。其道在勤。無以怠荒。而間皇仁。何以懋學。  
其功貴勵。無以宴安。而隨厥志。緬彼聖哲。兢業萬幾。天工允釐。  
彼昏不知。則謂九重可樂。胡自勤苦。為緬彼顯王。枕籍篇章。日  
月就將。彼庸弗悟。則謂五位至安。胡以不自康。母曰細娛無傷。  
吾政恐以細娛而殘生靈之命。母曰玩愒無損吾學。恐以玩愒  
而蔽幾微之覺。嗚呼。欲不可縱。時不可失。殷憂啓聖。佚豫召亡。  
彼秦氏之衡石。與隋室之傳餐。徒為叢挫。奚取圖難。允為帝王  
之德。有嚴有翼。微臣獻箴。用贊丕績。

評閣師許

非常  
從事  
于不  
能言

原心亭銘

萬曆已丑閣試

弱侯集跋

修撰

人總三才。厥資也深。旁魄變幻。皆君子心。包絡乾符。萬形攸始。  
橐籥人倫。百工咸紀。游泳恬漠。合体渾區。乃卷乃舒。與羣有俱。  
虛而不竭。動乃愈出。方寸為鑪。陶冶鉅曲。誰持道荃。以窺妙門。  
坐令塵滓。沉我靈根。名欲都捐。性真斯悟。曾參以濯。顏氏殆庶。  
一無能宰。萬應常閒。靜也如蟄。運之若環。莫知其鄉。不見厥朕。  
獨天與游。心乃可盡。庶幾觀妙。敬為作銘。朝願夕思。其於茲亭。

原心亭銘







颯陽公評

銘而悔  
奇古而

原心亭銘

萬曆己丑閏試

昭素黃輝

編修

天○則○有○日○人○則○有○心○  
 麗○昧○何○始○厥○有○光○明○  
 物○即○無○著○體○即○無○漏○  
 照○徹○重○淵○鑑○若○為○厚○  
 昭○哉○嘉○命○握○我○赤○符○  
 神○不○舍○力○嘿○與○天○謀○  
 孰○蓋○孰○函○鼎○足○方○寸○  
 出○入○惟○機○鮮○克○有○慎○  
 莫○蠢○匪○靈○介○爾○希○微○  
 如○彼○博○道○二○乘○易○麗○  
 安○兮○若○止○良○兮○若○背○  
 泰○字○言○言○亦○莫○我○沫○  
 必○兮○此○亭○圖○書○是○鄰○  
 古○人○往○兮○乃○心○則○存○  
 心○如○皎○日○曠○無○宇○宙○  
 孰○為○先○得○願○予○多○疚○  
 灼○彼○陽○葵○傾○誠○靡○它○  
 莫○啟○莫○沃○自○靖○則○那○  
 不○朽○難○獲○日○復○以○月○  
 我○之○懷○矣○曷○惟○其○悅○  
 誰○謂○岱○崇○不○有○策○只○願○  
 言○永○肩○毋○忝○此○生○亭○  
 哉○亭○哉○予○心○是○銘○



董學士  
陽公

韻致絕

佳奕奕

戒炳若

銘

以上  
述婦  
道甚  
詳晰

韻語集 內訓韻語 萬曆丁丑館試

錫川何洛書 庶吉士

兩儀奠位坤順承乾粵惟閨門王化肇端相彼閭閻猶先家理  
知是

皇宮樞紐人紀后正長秋為天下母爰統夫人嬪御世婦既聽

內治亦宣陰教主德攸資民風胥效二妃佐虞三母興周夏殷

啓祚塗莘是由北雞索家詰婦傾國妹妲褒驪萬祀流慝敬之

戒之業業兢兢閑邪必謹從善若登動遵禮義性執和柔端莊

誠一貞靜閑幽相祀維何在潔采繁有嚴夙夜恭着玄紘脩饋

維何孝養純脩克嗣徽音永言思媚曷以事上敬順靡忒卷耳

雞鳴古有遺則曷以逮下莫若惠慈小心樛木德懿可師享不

可過節儉是將締給播咏大練垂光恩不可干謙抑終吉馬廖

長孫慶流宗籍睦親以禮保幼以仁外言不入內範式陳仰思

皇明倫語集卷之十二



風神  
峻潔  
詞旨  
婉切

天道所祐者順俯察人情善有令聞前有淑聖儀筮不遠後觀  
令德云胡不勉人亦有言聲振響隨爾形既直影當弗歆膏豈  
厭鮮水豈厭澄玉琢倍潔蘭培愈馨佩服珩璜左右圖史劉傳  
班戒景行行止允念朝夕自持宮闈明章有翼勗勵無違一人  
明聖增輔日多六壺肅穆宇內清和二南美盛彤管是書煌煌  
福履申命永綏女中堯舜宜惟作媿祐我  
皇祈與天無極

陸太史  
貞山公  
評麟聖  
瑞非鴻  
筆不能  
闡揚之  
洎菴以  
彪炳之  
辭發金  
石之響  
垂諸史  
冊永有  
光矣

贊集

瑞應麒麟贊

有序

用之梁

潛侍講

大海之西萬里外其國曰榜葛刺有麟生焉其王知其瑞而  
不敢自有因望洋東北再拜而言曰茲惟海島亦蠻夷其何以  
致此斯其為中國聖人宏化盛德之徵乎謹卜日遣使戒舟  
航度絕島逾大洋獻之闕下于時聖情怡悅萬姓具瞻龍顧  
而鳳頸膺身而龜文容與閑暇不驚不悚聲出其脰若合鍾  
律其步趨中規矩信乎其性至仁而有以賓服乎百獸者也  
杓乎盛哉考之往牒禮稱四靈麟蓋為之首而龍與鳳次焉  
詩詠歌文王之化其頌美揄揚托意於麟者自趾而定而角  
不一言而已則麟者誠聖世之上瑞也三代以上或在囿或  
在郊數然皆為聖世而出記中國有聖人則麟至而又以麟  
之應為夷狄向化之兆漢武之世麟見于雍而匈奴渾邪來



叙有

贊有首  
然之光  
沛然之  
詞

降宣帝時九真國以麟采貢而四夷莫不賓服則其言信然  
洪惟皇帝陛下功德盛大仁恩宏暢薄海內外九夷八蠻無  
不向風順化蓋自三代以降中國之盛未有過於今日者也  
夫自周成康至于今幾二千年麟之見纔一二耳而臣獨得  
遭逢快觀其為欣幸可勝道哉謹頓首百拜而述贊曰  
於皇聖德兮如日方升被九有兮超八紘旁暢達兮感至靈極  
西冥兮麟降補嗟麟之降兮孔神以明五行粹淑兮匪孕而生  
四靈合體兮匪育而形其性振振兮含和抱貞淑萬里兮登明  
庭嗟麟之來兮惟聖之徵龍爐兮休休鳳領兮矯脩九門闕兮  
卿雲浮兮紫鸞兮陪王中賈聖文兮揚佳休千秋萬歲兮麟孰  
與儔麟孰與儔兮聖澤汪洋龍游宮沼子風鳴朝陽酌丹穴之  
泉以為醴操玉山之禾以為糧擴至仁為國之禮以為防嗟維  
不麟兮永與翔翔後天不老兮聖子無疆

訓錄明賞罰贊

萬曆癸未閣試

爾張李廷機

侍讀

余閣師  
同麓公  
評

古雅  
矯健

贊三

高皇帝初定天下矢心戮力之臣霞蒸雲起矣帶甲百萬東征  
西伐而帝獨操賞罰以制鼓舞之權乃竟人之厭心者則與情協也  
列宗法祖嗣服公聽並觀不由善惡喜怒  
昭典所以益光夫國家既收譽髦杜絕佞倖皆懸其耳目于  
天子之恩威蓋不可不慎哉官私其親祿放其寵借斧鑕而修  
怨焉將以方于五帝三王之業遠矣



訓錄去奸邪贊

萬曆癸未閣試

少廣王益

編修

余閣師  
同麓公  
評  
贊其  
簡健

贊曰自古熙皞之世不能使讒邪不生惟聖哲之君察焉屈軼  
 在庭佞人匿迹虞舜作而四凶伏誅蓋帝嚳廓清彼其于治無  
 能為蠹也聰明不逮中庸士君子之在御也疏則宵人蠅起而  
 以其術當之寵積賂章勢乃大壞輓近世往往可鑒矣  
 祖宗明並日月威倅雷霆燭奸于片言銷變于俄頃六合朗闢  
 慧孝不能為妖匪絲宏度不蔽于燕私公法不牽于近暱何以  
 臻是書曰國則罔有立政用檢人殆謂此與



幾長書曰國傾國林立如用射人級勝水與  
 楚漢不相為然則德不離于德林公出不率于也即制如  
 此宗四立日以必必中雷雲則于其言能變于則則六合兩  
 以其世當之謂則想章其大舉與立世世世可登矣  
 猶或露也即即不軍中事士其子之其也細細實人即變其  
 五到外八國其與其其也四也其若蓋帝謂禮制其于也無  
 贊曰自古照新之也下相則其即不生則望世之其察其是則  
 信疑去其取替 萬曆丁丑閣試 必重王立

跋集

恭題 萬曆丁丑閣試

學海顧紹芳 右贊善

張相國 太岳公

聖祖御製文集後 我

高皇 帝武 功文 德卓 冠千 古君

聖祖高皇帝起徒步定海內反夷為華蓋自昔以武功稱者至

能繼 頌可 用有 謂文 章

是皆廢此有識者具能道之及臣受

古君 冠千 德卓

御製文集莊誦卒業則又諫然嘆文德之盛也夫所謂天縱之

能繼 頌可 用有 謂文 章

聖文武並用者千古以降見我

能繼 頌可 用有 謂文 章

聖祖一人而已臣竊覽觀往昔人主撰述大抵詞臣橐筆以代

能繼 頌可 用有 謂文 章

而我 聖祖則倉卒染翰畧刻萬言其垂意學術者往往得自

能繼 頌可 用有 謂文 章

師傳而我

能繼 頌可 用有 謂文 章

聖祖則思若神授不煩夙學創業之主恒習于馬上不事詩書

能繼 頌可 用有 謂文 章

而我

皇明官報續集



聖祖則投戈講藝。真契道真。間有崇尚文墨。或乃流連光景。藻績是工。而我

聖祖則原本道德。謨成定保。纒二乎洋。二乎懸。合典謨之精。發揮三五之奧。迄今讀之。猶恍若履明庭。而聆誥誓也。夫我

聖祖聲律身度。豈效學士儒生。斷以文行于世者。知其攝百年之胡俗。一旦蔚為文明。經緯天地。斯不稱至文哉。而又奚以言語文字為乎。雖然。天地無心于文。而七曜之臨照。萬象之明達。

孰非文也。觀天地之蘊者。必于文乎。觀之猶我。聖祖不求文。而文生焉。不勤傳。而世自不能不傳也。且使萬世之下。繇其可見者。以究其不可見者。則燕翼之助。將在于此。蓋

蒼風銳骨偉藻英思

古之哲王。並有大物。以貽厥子孫。用昭明德。若琬琰弓矢之屬。而其子孫咸世寶之。勿墜。而况謨訓所垂。炳烺日月。豈直奉為

珍玩而已哉。則

莊重

聖祖之所以詒我後王者。屋矣。於乎。此固我昭代之寶。而非歷代之所為寶也。臣謹題



讀太僕寺誌題後

萬曆癸未館試

仲明葛曦檢討

沈大史  
龍江公  
許

今天

下之

馬改

弊

當

每

見

過

萬

戎

生

然

信

不

也

太僕誌載天下圍牧之政甚備思讀之而有感云我朝初牧于  
 官已牧于民已又收其牧地之入以資市馬故嘉靖以前議畜  
 息議芻牧議鳩括俵驗隆慶以後乃議折價猶於馬相半也因  
 時通變以甦民足國未為非計當時議者已謂失祖宗之舊若  
 有憂焉詎知迄今抑又甚矣語云天下雖安忘戰必危我  
 太祖以戎馬取天下及天下定而歸之華山之陽亟馬修圍牧  
 以芻秣之意蓋深遠法久弊滋種馬有額而無實孳生有名而  
 無用俵鮮既不取諸孳牧則種馬于是為贅庀折其半空也然  
 權耳終不可罷也何至于今舉孳牧之典一朝而盡廢之夫兵  
 與馬交重者也國家一日不可去兵則何可一日無馬孳牧  
 之法寄之郡縣用之邊方蓋內外兩利者也何者登駿簡良以

皇朝通志卷之六十四

六十四



究心世道之論

服王事騰槽充駟以戒不虞故牧圉所以資邊亦可以為郡縣  
潢池之備頃因虜不南牧見謂需馬不急然而有備乃能無患  
矧郡縣為國家之腹而外寧內憂有古戒乎孳牧一廢槽櫪  
為虛乃各省庫藏先是搜括已盡萬一雀符有警不知將從何  
得馬又將何以易之也歎其駕飛燕駮驢驢蚪踊螭騰麟超龍  
翥以壯軍威而效驅馳也其道何繇在昔漢馬九廐三十六苑  
稱充斥矣事繁于武帝乃至內借民馬外用驢騾鳳苑龍廐雲  
錦成羣詎不蕃盛垂拱天寶後日就耗弊而唐以不振彼當充  
斥蕃盛之際一旦用之猶然如此而况并去其藉乎嗟夫此駟  
駒駟駱可以歌詠于皇華而駟駮駢驕所以田于秦而牧于魯  
也作誌之意其有憂乎吾于是乎有感

引漢唐故事以見馬政之廢具係國家治亂當事者寧无感于斯言

沈六史蛟門公評

三弊足解馬政石畫

讀太僕寺誌題後萬曆癸未館試

曙海梅鷗祚庶吉士

余讀太僕寺誌而慨馬政之弊也有三焉古者王國之馬養于官不侵于民故馬日蕃衍民不稱困令甲兩京畿河南山東編戶養馬代為牧孳已耳已乃徵其牧地之入以資市馬已又復令民買猿且鬻種馬之半民不加賦而被催征之苦願安所得息肩乎蓋其法創自熙豐而物力告訕宋臣司馬光等用嚙目馬而今復踵行之其弊一也昔衛文駮牝三千詩人本其心之塞淵魯僖公駟牝牡馬史克頌其思之無邪夫畜馬誠非末職也張萬歲王毛仲牧豎子耳一修其業且令雲錦成羣遵何術哉今太僕寺官特以為係銜而已顧名思義曾驪黃牝牡之弗能辨而安所責成功語曰堯舜不穷其民故無佚民造父不極其馬故無佚馬諸當事者倘亦有王良伯樂之思乎是馬政之

道盡大僕失職之弊



畜馬在  
得地正  
所以復  
善制甚

不可不得人者二也夫燕薊之地馬之所生而秦隴汧渭之間  
唐人監馬之跡在焉是必覈實以歸官則芻牧不患乎無所今  
草場侵設而曠土多汙萊矣如是而欲責馬之蕃息是不相土  
之宜而祈五穀用登未莫民之室家而望其生齒日衆也其將  
能乎是畜馬之不可不務得地者三也夫明于斯三者可與論  
馬政矣

讀太僕寺誌題後

萬曆癸未館試

洛源楊紹程

庶吉士

沈宗伯  
龍江公  
評

衛文公之國楚丘也紹休先緒四郊殷富而詩人美之曰秉心  
淵塞駉牝三千我

國家建同寺以理馬政其興復規利今其志犁然可觀矣天既  
充物爛焉雲錦之盛非其主心淵塞致然歟語云善治者不盡  
其民故無佚民善御者不盡其馬故無佚馬今也寄牧孳息畿  
輔之地無遺利而歲時調發以備駉服以實軍需則馬無遺力  
且朝廷借取改折十萬金矣又詔取聽用馬三千矣民多積逋  
羣魚留良吾見民與馬能無佚乎書曰僕臣正厥后克聖然則  
以時詔王之出入旦夕承弼使其罔有不欽者司僕職也讀是  
誌者當惕然于正君之義矣

至言  
俱稱  
憂民  
一以  
憂國  
之慮  
民力  
不盡  
論有  
君此  
思楊  
危之  
有安  
一稿  
件明  
評



擬

御製草韻辨體跋萬曆丙戌館試 櫻庭林祖述庶吉士

草書非古也。鍾張振音義獻嗣響。蓋亦有本始焉。或以鉅章炫奇。或以片札取譽。代各不乏。苟師心匠意。矩矱不周。將以語於同文。則舛矣。且道寄於書。蒼頡字簡。不該於用。楷隸之法。取捷則難。既存草體。可無辨乎。是乃分為四聲。綴以諸體。龍蟠虎踞。爛然溢目。玉池斑管。當裨祝文耳。

徐太史檢菴先生評末四語藻麗曲終奏雅



王閣而  
荆石公  
功利而  
條理之  
即為義  
何等卓  
識復運  
以秀筆  
可謂意  
言兼茂  
矣

讀鹽鐵論題後

弱侯焦竑修撰

自<sup>丑</sup>在猥以仁義功利岐為二塗不知即功利而條理之乃義也  
夫易言理財正詞為義而豈必其棄財乎桑孔當武帝兵與為  
二法以濟之中獨酒榷殆未可久乃諸當輸官者令悉輸土所  
饒平其直官于他所貨之劉晏嘗行之於唐收利不貲亦善法  
也至筦山海之利置鹽鐵之官不益賦而用饒尤為不可易者  
柰何其詬病之劉彤有言古費多而民不傷今用少而下弭困  
非有他也右取山澤今取貧民耳取山澤則公利厚而民歸于  
農取貧民則公利薄而民去其業此足以發明漢法之當遵用  
矣古先王山海有官虞衡有職輕重有術禁發有時一以專農  
一以贍國桑大夫蓋師其意而為之未易以人廢也籍第令畫  
餅鏤脂可裨於實用則賢良文學之談不為不美庸詎而必區

按多修  
人宜見

皇明會話續集卷之十二



區於此哉

讀鹽鐵論題後

萬曆己丑館試

幼安劉曰寧

庶吉士編

荆王閣師  
石公師

立意  
正大  
雅飾

鹽鐵之議始秦商君至桑弘羊而益肆始元中賢良文學之士  
 待詔議罷者如茂陵唐生魯萬生汝南桓生林盛也議不勝  
 桓退而著論六十篇上稱堯舜中述文景大約稱引廣川之意  
 而闕肆其說美哉乎重本節用之旨也哉以遊洙泗而說齊梁  
 可也民人以垣墻為藏閉天子以四海為厩廩自古天地不能  
 兩盈毋論人矣至治之世民不躁而國用足未修則淫本修則  
 慤虛實之大較也言利之臣多心計然恒乘上之病急巧發而  
 奇中弘羊賈人子也暉時熟矣文景而後何如時哉蓋一譁于  
 嚴朱再譁于唐馬又再譁于彭吳衛霍行齋居送中外騷擾相  
 奉漢所急在財故弘羊得挾其一切之術令天子改容少府大  
 司農無不言便者因循沿染耳目雅化即有藹然仁義之旨如

皇月官果齋集



言利而  
及兵指  
刑觀庶  
識歸庶  
或乎達  
士之見  
微矣

桓生安得不桷鑿相視也。余讀史遷平準一書，利談與利之臣，其極至于選舉凌遲，廉恥相冒，武力進用法嚴令具，皆本于均輸平準之意，未嘗不恍然悟也。漢惟北構胡南挂越，務析秋毫，以佐目前，桑孔幸貴顯用事，而頗異以誹謗誅河東守以不辦誅北地守以亭徽誅兵不與利期而利生，利不與刑期而刑溢。益然後知兵者利之源，刑者利之委，三者並發而踵至，有味乎其言之也。遷能見時事之本末，不能稱引仁義昭鑒戒而曰事勢相激使然，豈不卑哉。及讀桓寬所持論，自本議而外若頌賢論，誹後刑伐功，諸篇大意與遷發明嗟夫，其慮周其義正，其言反覆而有餘思，大要防淫泆之原，廣道德之端，即遷不敢望也。雖然，漢以不媾胡至財匱，而致斂財，古今且重羞之，然不為無故亦不為無策，乃今固得構矣。畫長城自完可無所事費。

咸  
慨

而腹且果然未望也。問之郡國，其利孔之開如鹽鐵者，又倍也。假令桓寬而生，今時固當為流涕，亦豈可令賈人子見乎。











